

國朝詩鐸



國朝詩鐸卷十六

錢唐張應昌仲甫選輯

蘇素

捕蝗

捕蝗謠王子夏作

嚴我斯

飛蝗爾何來，薨薨如風雨。朝飛蔽雲天，夜聚漫江滸。江北諸州人，苦飢千村萬。落少耕犁高，原如焚下。江湖半為魚，籠半焦枯。天生羽孽復，蠶食此邦之人。嗟何辜，官司倉皇無良策。下令捕蝗較斗石，斗蝗斗粟何人為我聞其事。良嗟咨，或云豐荒有數咎，在歲天災不可以人制。或云妖不勝德，昔可鑒驅，雖不盡勝，養患吁嗟乎。蝗食民苗，吏食民膏。蝗食民苗，誠可憂。吏食民膏，何時瘳。捕蝗不如捕虐吏，寬租停扑，蝗何尤。君不見昔日中牟魯恭化，飛蝗不敢傷禾稼。

驅蝗

顏光敏

夏蝗乘南風，蠶食逼隣邑。百里互傳警，崇朝徧原隰。側聽風濤湧，豐凶變呼吸。比屋爭喧逐，婦子列伍什。攘袂或暫休，斷穗紛爭拾。浹旬逢曠乾，子孫復蟄蟄。田祖空有神，忍見薦嗟泣。乾隆十七入兩年直隸大蝗嚴旨督捕復淮州縣以米易蝗作正報銷蝗積如山禾無大損附記於此

國朝諭蝗

吳震方

物性害於人厥彙亦頗殊巨細雖不同避之則無虞爾
蝗乃何來羣飛蔽天衢忽然落田野千頃如剝膚北盡
掠南畝西罄延東區哀哀有寡婦抱子哭路隅或云汝
之來非由汝之辜人孽釀乖尤因此行天誅抑亦長民
者撫字無良圖遂謂天不仁皇天甯可誣嗟汝類實繁
一身百其孳春温蟄蟲出萬億生蠕蠕傳聞一尺雪一

丈埋黃壚去冬臘雪盛高將齊城郭爾子重泉間乎育

何須史吾欲張罝羅盡掩可令無敢告賢守令亟捕休

緩迂詩後載預滅蝗種法曰蝻子又名魚子生低溼水
草蘆蕩中若冬雪春雨霑足則不生冬少寒雪春

雨愆期最易生發其生發時聚在一片片初時細如蚊蚋
滾聚成團色皆純黑不數日成形左右跳動是時宜急

國朝詩鐸 卷十六 捕蝗 二

捕須於堅蕪溼土或蘆葦中逐細尋覓如見蚊蚋黑團
及跳動之蟲急就其處掘成長溝用響竹掃帚之類敲
扑震驚逐入溝中加土築埋用火燒滅為力甚易此蟲
自生發之日至十八日生翅又十八日成蝗倘不蚤除
羽翼長成數畝之蠕散為一縣之蝗一頃之蠕倍為一
畝之蝗為害不小故捕蝗不如捕蠕之力省功倍也

捕蝗 代作

周正

三年兩年旱使我常惻惻苗枯心如焚還憂在螟螣物
生各有子物理固難測水浸化為魚水涸蝗為賊康熙
三十年夏月茂黍稷我行課農桑田疇增氣色俯視忽
如蟻睇久生惶惑茲非蝮蝎子嘍嘍未生翼胡為出我
郊欲害我稼穡纍纍數十疊行行如不及但聞唼喋聲
所過無留植仰面呼鶯鳥蔽空千萬億飛來盡啄之庶

快我胸臆蝗害亦時有休哉境不入悠悠彼蒼天自是
吏溺職執頭黑身赤執頭赤身黑下隰及高原誰復能
辨識顛天不我聽入地詎可得獨有古捕法能救當前
急捕得但來獻捐粟賞格立斗粟易斗蝗庶幾捕之力

斷蝗子

劉青藜

蝗蟲一產九十九穴深三寸形如白上有白蟲當其口
十八日出子隨後老蝗來穀苗禿老蝗去蕃爾族斷盈
斛聊作粥爾食穀我食肉

驅蝗詞

顧文澗

山田早稻憂殘暑蝗飛陣陣來何許叢祠老巫欺里氓
國朝詩鐸

卷十六

捕蝗

三

佯以坏坡身徂僕曰此蟲神能主輿神弭災非漫舉東
垞西壠請徧巡急整旗繖動簫鼓神之靈威且武獻紙
錢陳酒脯老巫歌小巫舞豈知賽罷神進祠蔽天蝗又
如風雨里氓望稻空頓足爛醉老巫無一語

鴨捕蝗

三月上月元縣沿江產蝗或獻策募捕坊鴨百千食之殆盡鴨亦隨死作鴨捕蝗

陳梓

江頭產蝗地無縫老農披蓑驚曉夢謀夫孔多策誰貢
鴨來鴨來百千闕五日腹半果十日蝗盡啗鴨肥田亦
肥捕蝗此良法綠頭能言笑而諛周公制禮禮不周迎
虎迎貓不迎鴨

蝗自滅行

張錫爵

夏月亢旱民心忙屬吏四出紛捕蝗 詔書惻怛邁前
古甘雨旣雨涼風涼吏歸復命中丞喜抱草蝗蟲今自
死惟德召和民所荷曉拜封章報 天子

紀蝗行

乾隆九年夏六月有蝗自昭陽湖經山陽而來遮蔽天日適納公同督湖二憲入境

日擊諭以撲捕為急余率隸氓循歷四鄉五鼓乘露翅未起撲捉計升給錢匝月而蝗淨未幾蝻子復生復同心協捕周流無間撲滅如法數年來茲歲稱大有焉郭起元

水族散魚子孽化為羽蟲產自昭陽湖羣蜚蔽高空塵
合淮楚鄉騰轉鍾離封使星乘傳來諭令扼其鋒叫呼
千夫力丁壯及兒童日入不遑息晨光氣冥濛及此翅

國朝詩鐸

卷十六

捕蝗

四

向濡翦撲露草叢升斗積邱山秉畀炎火功作勞予所
諳奚分吏與農如何喙子生蠕動畝南東去惡務淨盡
捐糜復相從剝復轉瞬間黍苗已芄芄報賽操豚蹄蜡
臘慶年豐躋堂一樽酒快澆壘塊胸

捕蝗行

裘曰修

捕蝗先須捕蝻子出土成團黑於蟻清晨露下尤分明
蠕蠕欲動從茲起稍至跳踊各搭鞍散走十步五步間
是當下風掘長塹勢同卻月微彎環廣場四面人夫集
三面驅之勿太急漸行漸進分數層呼聲殷地圍方密
須臾盡逼入塹中實之以土加杵春還防健者或逸出

外圍巡徼煩兒童大抵捕蝗應及早奮飛之後難施巧
飛蛾赴燄蠢蠢同末著惟餘火攻好今年入夏天久晴
河邊魚子化未成更兼蒲深葦草盛往往此物時萌生
聖人勤民默致禱北至 大祀昭精誠甘雨已沛遠近
足農夫額慶堪深耕豆穀應候齊下種蠹賊何得仍交
橫除惡務盡古有訓我共長吏宜關情

驅蝗行

錢維喬

我來驅車過下邳羣蝗徧地走且飛借問道旁叟此有
長吏不何不撲殺之令其跳躍患不休叟向前致辭此
物不足怒官府遣吏來吏復責我捕驅蝗蝗未盡乃更
國朝詩鐸

卷十六

捕蝗

五

添衆蠹君不見城濠邊水乾鵝鴨飛在田鴨能搜蝗啄
蝗子鴨肥可食相公喜

捕蝗行

趙萬里

捕蝻不早捕蝗難民捕不了官捕攢大吏驅蝗如驅盜
小民顛天勝顛官初時見蝻便疾捉齊坎田塍曳長索
風馳雲捲納深溝水漬土埋大翦撲遺孽詎知羽翼成
漫天蔽日聲轟轟忽然壓隴赤一片邛邛駭逐喧金鉦
幾家頓足哭無稻幾家天幸尙完好叩祈田祖速有靈
莫延明日官知道

捕蝗謠

何綸錦

介蟲敗穀世有之防之不早捕已遲但見羣飛蔽空下
安識萌蘖由地滋說詵育子動盈百跳躍經旬傳雙翼
秉畀炎火古有經始不撲除繼無及東邨西舍奔走忙
喧傳縣吏來捕蝗殺雞置酒款縣吏醉飽之後行披猖
驅民入野供役使踏徧田頭及田尾蝗孽未除十二三
蝗食餘禾盡踐死蝗驚起向他處飛縣吏怒逐如合圍
田中父老眼流血敬告縣吏牽吏衣天災未可人力勝
願勿捕蝗聽民命縣吏怒詈豎目嗔何物敢違縣官令
父老殷勤重致詞爲君釀錢作酒資家科戶斂入囊橐
按籍徵收無一遺縣吏笑入城中去父老回首捕蝗處

國朝詩鐸

卷十六

捕蝗

六

仰天太息不忍歸又見飛蝗下如雨

驅蝗

楊瑄

歲在戊午七月初甯隆邑中蝗滿疇捕之不勝幾束手
蔽野頃刻殘來牟上官馳檄急如火下令未雨須綢繆
縣中老翁心戰慄壯夫鬱鬱眉鎖愁上下促迫心事惡
此事畢竟誰能籌昔聞潮州有鱷魚盤踞害民無時休
昌黎一言肝膽裂三日東徙隨波流又讀漢史循吏傳
勞心撫字推龔侯名邦獨仗使君力飛蝗不敢來神州
可知民牧患不誠一誠自足邀神庥古來捕蝗雖有法
人謀安得回天謀我推物理洵不妄臨事要在探源頭

寄語諸君莫煩惱天事人事期交修天人於我兩無憾
蝗兮蝗兮何足憂

高陽捕蝗曲

梁道象

鳴鑼騎馬紛成行高陽縣令出捕蝗傳令村中起夫役
地保鄉約走且僵有夫出夫無夫錢一夫百錢例有常
父老聞聲競來迓大呼爺爺跪路旁願求爺爺別地捕
蝻蝗不到我村莊黑鞭前導叱之起恣意蹂躪足踏將
愈捕愈有有且多羣蝗之勢何猖狂官去蝗死十二三
周視田稼成空場小民吞聲不敢言歸斂夫價繳公堂
十日五日錢已齊文書捏報上官忙宰猪殺羊謝蝗神
國朝詩鐸

卷十六

捕蝗

七

錢費演戲樂洋洋嗚呼蝗神蝗神如有靈胡爲享縣令
之牲醴而不食縣令之肺腸

蝗不食禾謠

呈徐稚
蘭太守

陶譽相

蝗之神人不敢侮蝗之食人不能阻奇哉道光丙申秋
蝗不食禾滁州真樂土一解 滁州雨暘歲時和今年黃
稻如雲多忽有飛蝗自西北來過在天遮日月在地蓋
山河官曰奈何民曰奈何一解 官曰奈何率屬奔波南
山擬縱火北山欲張羅出俸錢以收買禱神祇於鄉讎
滅此朝食而毋傷我民禾一解 民曰奈何滿篝滿車勞
我使君捕此么麼自朝至暮行百里以撫摩飢不遑食

泥滿鞞四

官盡心民盡力仁者之疆禾不敢食過山

則停遇岡斯集繞卻田塍抱榛棘君不見昨日尺深今

日無東飛入海蒼波黑五 公曰嘻吾民瘠良天佑之

民曰嘻吾官清廉天佑之是乃 至聖在位大賢為治

一人有慶萬姓恬熙蝗不曰蝗而乃 盛世之蠱斯六

捕蝗謠為攝安徽懷甯縣事楊君曉春作

魏謙升

一冬無雪夏無雨蝗孽萌生遍江許潁江三面磨上名洲

洲葭葦彌望魚蝦稠魚蝦遺子發生易飛蝗蔽天還撲

地有民父母關西楊往來馳逐為捕蝗自云捕蝗守土

職不德所致敢不力晝不張蓋烈日焦夜則露坐看焚

國朝詩錄 卷十六 捕蝗

入

燒為民請命仰天哭食苗何如食吾肉憂勞成疾當彌

留喃喃絮問蝗盡不一朝騎箕向天訴風馬雲車自來

去大府飛章達 九重以風有位真靖其煌煌 卹典

死勤事若楊侯者庶無愧

人面蝗西江夏秋水旱蝗蝻蔽野頭如人面愴然而作 郭儀霄

人面蝗過江災徧江西荒江西頻年苦水旱今年水旱

復蝗患蝗初過江人不識彌天際野堆幾尺官欲捕蝗

蝗入地子又生子蝗轉熾嗟爾蝗兮何不仁人面蝗心

賊我民驅蝗之神亦不神我民瘠苦惟空困草根食盡

食人肉有小孩走入亂農夫田婦對蝗哭對蝗哭聲慘

哀嗚呼人心不蝗蝗不來蝗今人面傷我懷

樂城官舍紀事之一

桂超萬

白日天無光南風吹飛蝗率衆搖旌旗驅之回風翔翔者間遺墜俄頃青疇黃火攻不能盡網密不能張巧女從天來啄膚劓其腸去秋飛蝗過境有墜南宮安樂兩村者正撲捕間有黑蟲似飛螞蟻而大食蝗殆盡敢云德政孚仁慈酬上蒼冬雪幸盈尺鄉人名爲巧女餘孽凍且僵只恐人蝗多萬毒尤難防

蝗災行

高望曾

春前但得連番雪遺蝗入地已千尺去冬不雪蝗孽生經春蠕動災遂成蝗飛蔽天日脚尾羣相接千頭萬頭國朝詩錄 卷十六 捕蝗 伐蛟 九 如雨集鳴鉦擊礮衆爭逐東邨散去西村伏村人控官萬聲哭官符捕蝗下村落捕蝗之人勝蝗毒蝗食民田民無穀官食民膏民日蹙

伐蛟

愁霖篇

汪師韓

環湖高下民縵田田肥租闕屢有年今春霖潦歷長夏江氛嶺稜無光鮮蛟官秋拆桂陽郡白嬰卵迸生洪瀾驚霆眩眩助狂暴決流抑隊人畜連官持金錢急處業要令巢窟迴歡顏古者伐蛟有專掌陰詈蹴縮夏令宣又聞閩越嗜蛟筍望氣掘煎供傳餐或云窮冬雪不積

識取纔似鯁鱗然後人所怖古所翫漁師失職斯可歎

伐蛟行

皖山多蛟患雍正間權總督魏公廷珍曾刊行伐蛟說茲重刊頒各屬余爲詩紀之

王汝璧

是何神獸非土瑯天龍遺卵胎鴻龐鼻眞黃宮積歲紀

庚泥含嚼滋胥肛厥土赤墳氣纏黑衝星貫月凌天江

產蛟地色赤氣朝黃暮黑夜冲霄

素娥散花不著地勾芒瑟縮無荏椿

鴻鵠驚飛睨欲墮離哉翻起時雙雙幾番雷雨忽墮蠢

夜深往往吟蟬蛻又如醉者語嗒嗜謹啾狎洽聲聵聵

其地冬不積雪草木不生飛鳥不敢集欲出時在遠聽之或如蟬在手鳴或如醉人語

是時上地

尺有咫劈山忽爾騰空箠吁嗟富媪自毓害平地歎飲

國朝詩鐸

卷十六 伐蛟

十

翻濤瀧厓崖走石莽滅沒田廬蕩滴連牀杠由來弭患

貴早辨元黃氛色明陰黓制之在氣機在目多其金鼓

懸鐙幢

蛟畏金鼓火光

鳩夫集械趣杷拍其施七尺非耕耬及

泉霍忽動光怪肥白如瓠圍如瓠一鸞軟美老饗笑奚

翅朋酒分羊羸皖山巉岳水沈滯老蛟聚族非一邦年

年伏雨肆毒虐高浪白勃如飛簾昔賢捍禦有良法垂

之令典傳非咙亟詔山農理鈔鯁慎斯術也心無懣嗟

我赤子本忠信豚魚可孚百怪降莫教墨吏猛如虎豈

獨蛟水憂洪澤善哉人害一時去荆溪父老非愚惹

起蛟行

李鑾宣

地輪欲折天柱搖海岳震盪洪濤漂括州婺州十八縣
忽起穿山入海無數之長蛟蛟初起水一線突乃疾風
甚雨大雷電驟衝廬井成江湖徧裂邱陵作溪澗得意
鼉鼉其擲波噬人龍鬼來酣戰烏聲懽譟人聲哭日夜
滔天波一片嗟哉民命委波臣滄海桑田眼中變古者
季夏伐蛟有王章月令紀之文特詳今人不行古人法
遂使深山窮谷怪物潛萌藏雷公震震不殛死反助風
雨恣猖狂民命乃以微蟲易坐令無辜赤子罹凶殃天
乎天乎我心傷

行武義縣山中所見起蛟處

去年被蛟患蛟起處
山輒破裂數十丈其

國朝詩錄

卷十六

伐蛟

十一

下民廬皆漂沒官賑
半年流亡未盡復也

查揆

治縣亦有譜伐蛟亦有書蛇與雉交卵入地憑生乃爲
海大魚捕蛟亦猶捕蝗耳雪所不灑下卽是季夏之政
在月令毋使雷動驚蟄起獲輿昨日婺州來瘡痍滿目
肝腸摧谿訝大壑莽崩裂想見鱗鬣掣空迴客行日午
人聲靜不見炊煙見雲影溪頭水碓閒自春牆內梨花
嬌獨靚荒荒野渡風嗷嗷中澤鴻白頭盲婦出留客爲
言衰老無主翁有婦去就娘家食有兒去作他鄉傭一
孫甫周晬抱寄東陽東流離日給官廠粥麥苗未肯青
瓦瓦君不見某戶某口某鄉里通衢之榜紅押尾

蛟水行

潘際雲

月令記伐蛟王政在除害蛇雉交爲蟄小正注所載蠲
之苟不盡爲患乃滋大此政何時廢潛蛟多種類今秋
有容皖江來五月雷雨常喧漚灑山霍山怒蛟發湧水
直溢滄江隈漂屋發石恣衝激平地十丈如奔雷夜半
昏黑廬舍沒覓衣不及啼聲哀洶洶下注洪澤湖湖與
淮水合并趨高堰誌椿沒丈九祇隔一綫黃河隅百子
塘前忽衝溢淮關上游生民戢戢皆爲魚我欲入水揮寶刀
斬此八尺橫行蛟毀壁澹臺恃忠信涉川周處平波濤

起蛟歎

郭麐

國朝詩錄

卷十六

伐蛟

十一

連山處處聞蛟起江北江南幾千里橫被東西浙數州
撥刺魚蝦來屋裏腥涎入海海不受老龍呼風障海口
忽然十日雨不住傳說起蛟又幾處先王伐蛟責漁師
今人失職懵不知到處尸骸相撐挂江魚大腹飽如鼓
老蛟騰擲莫喜歡安知世無旌陽許

書異

朱綬

闕逢紀年建申月其日丁亥秋風生調調刁刁木葉捲
淒淒切切陰蟲鳴須臾雨腳下如注瑇瑁金鐵檐漏聲
我方抱病臥齋閣稍息枕簟喧蚊蠅黃昏聽雨雨正急
燈花澀燄搖長檠三更已過四更近潺潺屋漏銀河傾

移牀避漏耿不寐偶一闔眼神魂驚危牆欲塌瓦欲墮
疑有百怪相轟爭晨光熹微亟開戶大波汨汨翻軒楹
一炊黍頃沒至股几榻高下縈浮萍家人厨竈不可累
累板作架支釜釧吾居無樓又卑隘鴟鵂叫屋魚游庭
禺中風定雨漸歇仰睇穹宇求開晴濃雲黯黹積愈厚
又聞急點敲鏗碎電光照壁疾雷奮行空百萬銜枚兵
陽威一振陰翳散病骨若御扶搖征朝來傳聞咄哉怪
有蛟破窟頭角猶蛟非一處出同夜排山撼海水滿盈
千鈞巨石壅粉碎十圍大樹根株崩厚輿忽裂邱墓陷
異事詫倒西山僧嗚呼郭西諸山少嶒岬何年雉溝遺
國朝詩鐸

卷十六

俄蛟

三

蛇精水從山腹漫山頂浸滅古佛長明鏡寒山一蛟最
猛驚盡拔廬舍無留費穴山爲潭深且闊發洪先駭句
吳氓木棉已鈴稻初秀那堪積水充溝塍比年無年苦
望稔高叫閭闔疇能鷹始知伐蛟備王政古后用意通
神明牧令之官盡厥職閭閻庶以歌豐登

蛟水歎

戊子五月徽嚴
諸州起蛟大水

吳世涵

地軸折歛城裂海藏翻越山沒三更蛟起天深黑萬家
悲哭聲鳴咽雷鼓不敢鳴連肩一吼山旬旬電光不敢
照毒霧閉盡混沌竅人人號泣呼天公天方暴雨兼狂
風老蛟喜得風雨助簸蕩屋舍如捲蓬大屋城上浮小

屋江中流江中城上去如箭一燈猶閃誰家樓君不見
七里灘頭富春渡流屍滿江骸滿路鼉鼉噬肉跳狂波
烏鳶啄腸挂枯樹古者季夏伐蛟命老漁物爲民害必
剪除後世傳流失其法遂使深山大澤得潛居伏時不
識起不誅往往爲害徧邑閭令我駭歎心煩紆

捕虎

虎患息

靈壽之地多山有虎爲害翟邑侯爲文虎

禱山祠忽覩異獸文身銳角如古所稱猶
耳者搏虎啖之自
是患息因書其事

傅維樞

王畿右下擁太行千峯百峯駐恒陽恒陽西鄙爲靈邑
嶮峭窈窕稱山鄉朱山房山相對峙祁林慈水羅修篁
國朝詩錄 卷十六 伐蛟 捕虎 古

巨松森挺溪草茂羣虎因得宍其旁山中人畜羅斯害
磨牙吮血心爲傷山東程侯作邑牧遠詣山祠爲祈禳
忽有異獸應時至滿身鋪錦角卓槍古稱酋耳能食虎
果見搏虎如搏羊恣噉血肉須臾盡委骨林麓皚如霜
自茲虎患爲衰止山氓仍得安農桑前此春旱土出蝻
入夏生羽成飛蝗竟有細蜂來蔽野羣飛齧蝗蝗盡僵
出境之蝗渡河虎大書異績史冊光中牟傳美或無一
侯與先後相頡頏邑民感此互傳述士傳其語作頌章
觀風使者采入告用備樂什升明堂

殪虎行

商盤

震天鳴鑼動地鼓十里牌前人搏虎此虎公然白晝行
不踞岡巒出林莽奮威初恃爪牙利失勢漸看神氣沮
農人攘臂無戈矛一夫當衝百夫拒咆哮一聲虎就戮
血點斑斑濺沙土弭災除患賽神靈割肉留皮獻官府
國家綏靖百餘年豈少藏兇同獍貍殘軀貳負生可械
毅魄刑天死猶舞王公設險爲防奸文武和衷能禦侮
屯兵衛民民養兵厥制駸駸非古出車準賦本良模
農隙還宜教軍旅請看燈虎太平民倉猝糧鋤勝弓弩
作歌聊備采輶軒弩方崇文莫輕武

捕虎行

夏夜雷雨暢春園圈虎逸其一平明有三
人觀荷液池虎起斃一人蒙古部校某刺

國朝詩錄

卷十六

捕虎

五

之殺

吳慈鶴

太液荷花淨於雪三人曉起看花出涼風吹鬢襟袖香
突起於菟半空裂兩人駭躍清池裏一人已爲虎所餌
黑河勇士行如風翻身一刺穿其胸萬夫舌擣軍吏賀
此勇眞能不膚挫方今期門佞飛盡如此欖槍太白安
敢起

勘災查戶口

奉

命勘荒畿輔感賦十首

李振裕

上章敦牂歲如月當芳春于役燕趙間策馬行跋跋風
塵滿袍袴奔走及五旬所歷非一狀艱苦難具陳繪圖

所不及到處懷悲辛天行亦何酷使我涕霑巾
東南傷白波西北苦熯旱火雲燒碧天燿如九日爛黃
塵撲面來極目吁可憚縱欲焚巫尪詎能紓此難伊予
飽天祿束手徒浩歎安得凌青雲手自決雲漢挂流灑
遠空原野溥浩瀚庶幾慰我民復得事耕爨

莫矣捫已盡雀鷺捕亦稀燕南千里地道殫民命徼東
風二三月百卉揚芳菲感彼翳桑人盡室恆苦飢流亡
滿道路破屋生蚍蟻蒿且不忍觀攬轡情歎歎

短柳覆土垣炊煙冷荒縣驛館暫停驂馳驅未云倦丞
黎實孔疚不飽藜與覓遮拜迎馬首鳩鵠無顏面餘生
國朝詩錄

卷十六 勘災查戶口

六

寄溝壑跟跄手足戰余懷爲酸辛朝餐不忍嚙

州里固蕭颯村落尤荒涼曠野日空虛困篋無益藏賣
牛還鬻女殯首歎牂羊堪憐弱齡女乞食大道旁豈不
知禮義飢餓情倉皇面鰲兩足胼百結無衣裳

始孀立老翁襤褸走村嫗滿目皆瘡痍匍匐繞童穉飢
寒不能耐徙倚陌頭樹顧影不自持前行每僵仆乞歸
藜藿羹覲面那相顧昔時朱陳村羊酒歡嫁娶今日聚
道旁相視如陌路

西連井陘道北與醫閭接長路多野殍飢烏啄其脅敗
屋儼枯槎殘黎如病葉渾河一綫來悲風爲颯沓中有

凍餒魂飢腸苦疲茶我馬亦已頽殘陽空蹀躞

恤荒載周禮祭肺古所諫二穀偶不登尙方撤覓雁一
從畿輔災宮中罷歡宴吾皇重民瘼齋心屢減膳咨

傲日臨軒溫語出三殿寒沍曾幾時佇待陽春轉

聖皇厪宵旰羣工宜戰慄獄訟關民生毋令紊法律徵
斂有科條毋令陷盜賊數者一不平天災何由息敢告百
有位敬慎憂厥職

災沴雖流行補救藉聖主詔下屢蠲租湛恩非小

補大農頒玉粒筐筥出天庾長吏絡繹來分給有部伍

國朝詩鐸

卷十六

勘災查戶口

七

無使滋中飽長吏吾勗汝盜胥衆螟蠹官長大雀鼠汝
曹愼奉行霽霽恩宜溥

勘災吏

張篤慶

火雲何烈烈千里無寸苗狂飈黯白晝赤日纏山腰解一

無食昔所歎憂旱多辛艱願言告令尹爲我達上官

解二 令尹一何恚父老不解事催租令如雷昨日黃符

解三 至六詔雖已平萬里餉戍兵恐觸上官怒告哀終

何成解四 父老前致辭十室九不炊逃亡無家別辛苦

五流離解五 鼠勉報災早小字達中丞曰遣鄰邑吏勘

災到荒城解六 亦不聞省郊亦不聞履畝張皇飭厨傳

殷勤接盃酒

七解

亦知上官意，塞責來相過。客吏顧主

吏，此事當云何。

八解

旦夕微天澤，雨露將在茲。良苗競

懷新，下吏翻成欺。

九解

爲我謝父老，努力鬻爾田。辦租

奉公上皇天，應見憐。

十解

檢田篇

輟耕錄載袁可潛檢田吏一篇，去年吳中大水，余身役踐更，其事頗類，感而賦此。

吳祖修

去年妖孛亂元冥，天公夢夢醉不醒。一雨百日船入市

眼，見官租沈水底。六月颶風復作惡，江潮并漲淹城郭。

府帖下縣催，勘災竹簽連出風。火雷縣官不肯下，鄉去

倉皇具報災。分數文字盡出老吏牘，遂把荒田批作熟。

國朝詩鐸

卷十六

勘災查戶口

六

煌煌黃紙免官糧，戶戶燒香祝。聖皇誰知我田不得

上開倉，不把毫釐放。無米難教布春種，况復冤喫公庭

棒囊空，擠不愛肌膚。但恨無肉填烏鳥。

排門行

楊泰

縣中吏持府帖下里，正抱冊前迎馬核戶算口。并搜索

極貧次貧門，上寫飢民欲增吏欲減。里正匍伏長官罵

謹譁叫嗷婦子號，風雪空村淚盈把。

沔陽道中夜聞鄰船語

彭淑

夜聞鄰船語，使我中心悲。去年歲大旱，十室九家飢。痛

痕廛，宵旰哀此萬瘡痍。金錢百餘萬，縣縣有賑施。府

帖連夜至州官下鄉來里正察煙戶胥吏造冊書民戶
分上下者得給支闌牢有牛豕囊盜有糝梯堂下有
几案室中有簾帷不得爲下戶違者罪當笞十室九吞
聲咨嗟涕漣而踰月下教令佈告放賑期窮民大歡喜
忍待舖糜時至日紛絡繹流離色慘懷皆鳩形鵠面雜
殘疾癘疲顛倒扶翁媪藍縷裹嬰兒遠近數百里孤獨
耄與齟呻吟滿衢巷延頸相盱睬州官又下令不得濫
施爲戶惟準一口放錢二百餘於中雜鐵沙其人索例
規成錢不滿百可作一頓糜其時數萬人仰天哭聲哀
已是枵腹來仍教空手歸有力或逃散無命死路遠散
國朝詩錄

卷十六

勸災查戶口

九

者爲雲煙死者爲塗泥州官方宴樂百戲供豪嬉奴隸
侍俊邁犬馬饜甘肥能聲遂特起獎借共提攜昨已擢
五馬前程無時衰誰知一揮霍血肉皆丞黎疇能警官
邪尙其採口碑

畿南行

管世銘

畿南積旱今尤酷乞食車前常滿目我來寂不見一人
身凍魂僵難出屋大發神倉六十萬 湛恩足滿羸黎
願長吏如能善奉行窮檐自免生咨怨一語還當告憲
司不須查濫只查遺官糧有放毋遲放如此天寒最畏
飢

靈壁香災

陶魯相

捧檄出西門蒼茫不識路小艇蕩欲飛天水接煙霧災
黎間我來聚向泥中訴前年水在門去年水在樹今秋
勢更兇傾房如破瓠生者少安居死者失墳墓當此互
寒時十家九無袴聞言淚欲潛研朱記名數

胥役如鬼蜮保甲若蛇神報名有定費造冊須丁繙委
吏下鄉來供應多糴糶爾糧豈易食坐索聲紛紜村翁
叩頭泣老婦無完裙三日未得食昨夜嚼菜根若待給
糧時皮骨知何存願言不食賑請君勿上門里長置不
顧入室搜雞豚

國朝詩錄

卷十六 勘災查戶口

十一

哀哀澤畔鴻棄雛空桑中豈無顧復意飢來焉得從與
其相看死不如分飛生離雛鳴宛轉四野生悲風啼號
委道路見之摧心胸

水退孤邨出路小深淤填阻踏偶失足一落遂九泉前
日放鴨人墜死沒及肩旁觀不敢救狼藉飽鳥寫我來
歎途窮十步九留連回頭見痛僕泥淖悲踟躕

胡敬開倉謠見水災門

勘災三絕句

屠倬

不分高下總山田蕭索秋光到眼前蕎麥花開豆苗長
可能草草度殘年

圩田一角占東南約計收成十二三熟地無多荒地徧
細排戶口算丁男

霜白風尖徹骨酸全無襦袴况朝餐活民心事無多字
只作家人父子看

報災謠

陸坊

雨師不管鞭陰石下田焦卷高田赤府檄如聞委吏胥
被災分別登災冊縣前接迹疲氓來三百錢報一畝災
無錢痛哭仍空回君不見農日瘠吏日飽是災非災恣
顛倒更望來年旱尤好

勘災行

姚鎮

國朝詩錄

卷十六

勘災查戶口

三

聞官來勘災饑民馬頭立官曰爾飢否胥曰此富邑民
曰已絕糧隸曰有餘粒官聽左右言掉頭不肯入飢飽
在胥隸官惟簿手執未勘民或飽餘米前臚積勘後民
皆飢官過錢盡納官去報勤勞飢民夜相泣

彭兆蓀偏災行
曹林堅查災行見災荒總

報災

吳世涵

遇災雖無異所報有不同大郡常報歉小郡常報豐大
郡歉不報薦紳不肯從小郡若報歉官長不相容連年
天降災旱曠徧浙東今歲旱尤甚烈日焦稼種昨聞隣
邑人報災縣庭中並遭官長罵謂汝何欺蒙此郡數十

年不曾報災凶今年雖小旱未必害耕農高田或稍歉
低田仍荒芘自可相哀益豈遂原野空汝輩還鄉里可
告諸老翁救荒吾有術報災甚無庸明旦官下鄉驛從
何雍雍非爲勘災至催科驚耆童

踏災行

薛時雨

鄉民洶洶莽且鹵走向公庭訴疾苦萬口嘈雜不成聲
手持枯苗淚如雨長官鳴鼓急升堂災狀一一親端詳
疾苦豈待爾民訴長官且夕心徬徨下堂重向爾民道
車戽宜勤救宜早長官本自田間來痼瘼爲爾縈懷抱
爾今速歸勤灌培我今出城親勘災鄉民稽首魚貫去

國朝詩錄

卷十六

勘災查戶口

三

長官獨掉扁舟來舟行十里河流塞斷港絕流行不得
僕夫裹足愁炎蒸道旁有蔭爭休息長官一見心則嘖
爾輩憚暑何逡巡眼前車戽苦十倍此苦我欲分斯民
舍舟登岸腰脚健東阡西陌循行遍鄉民傳說長官來
黃童白叟爭相見自家疾苦忽不知冒暑轉爲長官嗜
茶湯瓜藕各進獻一甌受爾慚且悲歸途烈烈炎風吹
父老送我涕沾頤寄聲父老且勿痛我歸爲爾謀賑饑
賑飢平糶

發倉穀

顧壽開

發倉穀賑飢民飢民驚瘠形非人首宿無根樹皮盡荒

村破甑生埃塵去歲三冬稀雨雪今春入夏風靈烈燕
齊秦晉同亢暘二麥乾枯土膏絕紛紛州縣動呈祥踏
勘災成例報荒司農覆奏獲 俞旨戶給升斗充飢腸
乍見文書皆色喜家家望領常平米不知冊籍造如山
盡坐虛名混張李發倉穀賑飢民多入私囊少濟貧千
困萬廩化烏有窮黎粒粟難沾屑救荒誰謂無良策畢
竟今人不如昔若教食肉只謀身良法雖多復何益滄
海誰如谿壑深長沙涕淚一沾襟可憐照徹逃亡屋虛
費 君王化燭心

賑饑論

方授

國朝詩鐸

卷十六

賑飢平糶

三

官今寺院各煮粥聊充三日饑民腹扶親抱子或攜妻
我悲欲繪圖一幅繪此圖亦何爲民雖饑當告誰於今
不饑之人總不知君不見黃堂夜夜羅歌舞賑饑粥米
民間取自謂能拔饑民苦刻石收之德政譜

捐粟行

澤州歲饑魚山陳太公捐賑累百萬石來歲豐競輦粟以償公不受州人泐石載德

有司聞于撫軍請入告太公力止之作捐粟行

王澤宏

澤州有鉅族奕葉盛蕃滋系出太邱後冠蓋盈軒墀我
公眞長者鄉黨稱仁慈甯辭金紫貴願與松桂期州郡
忽歲祲億姓恆苦饑捐粟百萬斛里閭起瘡痍來年慶
有秋酬恩允在茲公復再遜謝脫贈甯自私有司上其

事將奏 天子知市義非所爲 褒名請固辭 三晉稱我
公樂善且好施 利濟非一端 隱德莫能窺 我聞二歎息
斯人實我師 我 后敷愛養 所重在羣黎 大吏剝民膏
小吏斲民脂 災祲罔入告 疾苦誰復思 相將委溝壑 秦
晉多流離 使公秉化權 赤子當含飴 甯煩 聖主慮 蠲
賑使屢馳 國賴良臣濟 家仗善士持 奠哉仰高風 永爲
後世規

哀淮人

嚴允肇

驅車適海岱 日暮行人愁 餓夫相枕藉 老弱羅道周 揮
涕前致辭 淮楚是吾州 渠穿廣陵道 水納黃河流 舳艫
國朝詩鐸 卷十六 賑飢平糶 志

來吳會 東北通咽喉 一朝河岸決 漫衍東南陬 百萬爲
魚鼈 何論田與疇 竄身來此方 苟活同蜉蝣 此方又荒
旱赤地 誰勸糧官吏 責富戶 浚削如仇讎 財賦一以空
猗頓皆黔婁 兩地總困阨 一死夫何尤 聽此腸寸結 淚
下不可收 寄語當路子 閉糶非良謀 自注時鄰邦有開糶之令昔聞
富鄭公勸民貯乾餼 所在發廩給 去住俱自由 公私雖
兩困 危急庶有瘳 萬邦苦飢溺 安飽亦足羞 何時災沴
息 躬耕樂行休 沈歸愚曰當路救災無術惟後富戶不
知周官先重保富蓋富戶乃貧民生活
之源也但爲富戶者亦須量力施仁不可
擁財自豐耳若猗頓皆黔婁則同盡矣

道旁歎

周宏

三月四月麥未熟餓夫扶攜領官粟得粟村墟起爨煙
嫠婦何爲道旁哭自言幼本名閨姝父母衣我紅羅襦
十七嫁作儒家婦足跡不出門中樞夫亡十指難餬口
連歲凶荒斷升斗縣帖紛紛催樂輸大兒枵腹披枷杻
小兒呱呱懷抱中身死奚恤愁兒從昨聞 詔書發粟
賑匍匐哀告含羞容安得有錢買膏吏賑籍無名長官
詈躑躅中路不得歸以此悲傷灑血淚我聞斯語愁心
神彼司牧者獨何人方看嫠婦泣東陌又聽悲怨來西
隣沈歸愚曰賑荒之弊自昔而然

散米謠

尤侗

國朝詩鐸

卷十六

賑飢平糶

五

一曳扶杖拄一嫗倚門佇一夫趨簷楹一婦隱庭柱手
中提一男懷中襁一女一農又一工一商又一旅一漁
又一樵一衲又一羽跛者步槃跚駝者立偃僂啞者呼
嗚嗚瞽者行踽踽疍者貌元黃裸者身襁縷寡妻逐鰥
夫孤兒隨獨父或操篋與瓢或攜筐與筥或以破帽盛
或以敝衣取或挈瓶托鉢或將雙手舉左去右復來前
推後還阻丁男四千餘丁女三千數小吏在傍立往往
識爾汝某也田舍翁某也市門賈某也弓之子某也襦
之父某裙而某釵蕭纓及呂姥疇昔大有年各能立門
戶飢則食肉糜寒亦被統紵一日遭凶荒死亡十去五

壯者走四方。弱者守此土。聞有發粟令。百里爭趨府。可憐良家子。乃與乞丐伍。性命且不保。廉恥何足語。朝幸有米炊。暮尚無薪煮。甲哺不及乙。辰飽不待午。今日更明日。卻愁空廩庾。子顧太守歎。大無豈小補。雖竭尙方租。難噓寒谷黍。欲繪飢民圖。獻之上帝所。大發萬千倉。散爲天下雨。

紀賑

又

朝驅北平東。暮馳北平西。問君何所行。奉詔賑災黎。

使者上頭來。千騎壓城隄。箕踞高堂上。意氣吞虹霓。金

盤羅几席。椎牛烹黃羝。官長左右立。指揮似童奚。百工

國朝詩錄

卷十六

賑飢平糶

五

盡奔走。執役到鳴雞。鑿銀細如粟。權衡慎毫釐。赫蹄重封裏。筐篋與山齊。大示張通衢。遠近爭扶攜。一口散丁夫。二口散丁妻。子女三四口。半口及孩提。七十賜疋布。老人學兒啼。前行旣匍匐。後至還推擠。號哭填街巷。穢臭聞堂堂。基哀哉。餓鬼道形狀。同牢陸握紙。不盈掬珍重。如琉璃。此行良不易。跋涉更山谿。昨日至今日。明日候期期。供作數日糧。空手歸田畦。吏呼方咄咄。婦歎仍淒淒。淒烏淒小民。苦堯舜病難醫。閭閻分芥子。內府破須彌。後宮減紈綺。至尊徹鹹醢。巖巖廊廟臣。爲爾徧輪蹄。大吏口舌傲。小吏筋骨疲。櫛沐風雨中。面目等黃泥。豈

敢辭况瘁但願慰調飢使者乘傳還戶口滿箱齎入朝
告 天子咨嗟歎靡遺祈穀籲上帝努力勤耕犁

煮粥行

又

去年散米數千人今年煮粥纔數百去年領米有完衣
今年啜粥見皮骨去年人壯今年老去年人衆今年少
爺孃餓死葬荒郊妻兒賣去遼陽道小人原有數畝田
前歲盡被豪強圈身與莊頭爲客作里長尙索人丁錢
莊頭水滲家亦苦驅逐傭工出門戶今朝有粥且充飢
那得年年靠官府商量欲向異鄉投攜男抱女無車牛
縱然跋涉經千里恐是逃人不肯收

國朝詩錄

卷十六

賑飢平糶

三

發粟行

唐孫華

去年丁亥逢旱災良田坼裂成荒萊芋羹豆飯苦不給
紛紛填壑眞堪哀 聖慈蠲賑恩邁古詔下歡涌聲如
雷江南歲漕減半額我州得留三萬石假令給散盡飢
民何難立起溝中瘠無如鼠雀會分肥官吏交通恣侵
食胥徒里長喜揚揚挨戶排門寫飢冊青錢入手始書
名大半空名點鬼籍官符火急催租忙鞭笞流血盡成
瘡大斛徵收小斛出強半已自歸私囊村民持票踏城
闕扶攜百里支官糧十日五日不得發忍飢垂橐仍還
鄉空使黔婁盡僵路誰知汲黯便開倉卽有窮民沾斗

粟尅減餘存無好穀。官侵逾萬吏累千。無限奸豪各滿
欲。盡奪飢民餬口糧。飽充若輩燃臍腹。可憐賑富不賑
貧。官吏歡呼窮戶哭。初聞 恩命盡欣欣。詔書挂壁
徒空文。嗚呼災民有苦向誰訴。天門詆蕩何由聞。

糴官米

景星杓

雞鳴風淒淒。餓夫悲語妻。侵星糴官米。歸來雞還棲。此
去夕不返。應恐魂來歸。不見隣家老。頭裂緣鞭笞。又聞
寡婦兒。踐成足。下鷲始貪官米賤。可食。何知浥爛攪糠
秕。况復臨險難。畏如虎穴躋。還期相守分。餓死何復就
爾官倉爲。

國朝詩鐸

卷十六

賑飢平糴

五

散粥行

代雄縣

周正

嗷嗷將奈何。救荒無長策。蹙蹙同饑民。皇皇不安席。捐
米鬻作糜。聊以救倉猝。隣民卽吾民。恣食何所擇。計口
日日增。頓頓盈千百。或二三爲羣。或玲峴影隻。無可蔽
裸體。肌膚爲枯腊。婦女尤可矜。一身無完裳。大兒牽懸
結。小兒挾左腋。哀哉無少壯。瘦形硯。硯骨兒粥勢欲奔
足。若有所畫行。如兒始步趨。起乃屈躄語。如鬼彪聲。醜
醜在喉。嗑乍見。驚非人視之心。如刺汝。餒忍我飽。吾存
忍汝。歿分俸。其食之活汝。於旦夕。吾鄉亦薦饑。民不足
糠粃。有司謀設粥。米按戶。索上不遺薦。紳士庶均見。

迫能破守錢慳理得情不逆中人幾何產吮乃遭其益
吾恐捐粟人行作溝中瘠

賑飢謠

查慎行

官倉徵去粒粒珠兩斛米充一斛輸官倉發來半糶穀
一石纔春五斗粟然糠雜秕煮淖糜役胥自飽民自飢
吁嗟乎眼前豈無樂國與樂土不如成羣去作倉中鼠

關中民

顧嗣立

關中三年旱風起大麥焦黃小麥死兒哭耶孃妻覓夫
雜踏飢民如集市官家蠲租詔發棠煮糜調粥療飢腸
長吏公私多扣剋一斗止合三升糧攜囊挈瓶爭領牒
國朝詩鐸

卷十六

賑飢平糶

无

口飢打手踵相接縣官三日不開倉十人八九僵路傍

賑飢二首

黃裳

飢民載道奔如蟻去入城中領官米 皇恩浩蕩昔未
逢現漕留截賑哀鴻哀鴻啓冀一飽未發倉糧先發
票歸家執票相對泣恐填溝壑不得食

東家老翁更歔歔無食無兒常苦飢縣胥里正各需勒
艱難得入飢民冊可憐生成體素豐皮肉消盡骨幹雄
昨朝點視遭官罵不得將名飢冊挂

饑民謠

楊士凝

村村屋頭鴉亂飛塵封爨火炊煙微隣人乞食縣門去

羨殺鼠食官倉肥江南今年星在留青錢二百米一斗
詔令減價更賑荒里老奉行開戶口縣令踏勘初入村

萬戶盡望 天家恩饑民無錢吏胥怒有名不上官家

簿沈歸愚曰勘災之弊自昔已然

官賑謠

鄭世元

黃鬚大吏駿馬肥朱旗前導來賑饑饑民腹未飽城中

一月擾饑民一簞粥吏胥兩石穀我 皇聖德仁蒼生

官吏慎勿張虛聲沈歸愚曰中間四語古今一轍付之無可奈何而已

私賑謠

又

昨聞飛檄來幽燕官家漕米都回船吾鄉急公且好善

國朝詩鐸 卷十六 賑飢平糶

三

富人大戶羣助錢樂輸執簿沿門走點簿挨家米一斗

此雖善事何勞動多寡亦要隨人願富家十石爾道多

貧家一斗將奈何富家陳陳堆滿屋貧家一斗剗其肉

煮粥歌癸巳歲飢廣州煮粥以賑扶老挈幼就食陳子過而哀焉 陳份

颶風爲暴歲阻飢將軍入告銀章飛 天子曰嗟民其

億尚書欽哉宣朕意四月驄馬抵粵濱艇舫輸挽走江

雲飛檄十郡榜鄉曲傳出 天語令煮粥東門煮粥在

較場白骨纍纍青塚荒西門煮粥開僧舍紅蠻駕瓦晶

晶射南近大海北枕山煮粥無地就市間南北東西路

坎坳十萬人家待舉火不因增竈壯行營已歎積薪委

曠野煮粥吏監粥官吏侵米。法不寬。官侵米。吏無權。侵米一斛十萬錢。初煮粥以米。再煮粥以白泥。三煮粥以樹皮。嚼泥泥充腸。嚼皮皮有香。嚼泥嚼皮緩一死。今日趁粥明日鬼。

姚世鈺糴官米篇見米穀門

嗟來行

楊泰

老持幼寡攜孤挈瓶擔桶羣將扶。酸風寒雨雪凍塗手。駁足裂無完膚。婦無裙布男無襦。推擠拉雜仆復蘇。夜行早伺至日晡。輾轉住住死路隅。吁嗟乎城中兩邑分。賑設官廩城西。鬮鬮埋邱莽。

國朝詩鐸

卷十六

賑飢平糶

三

袁枚苦災行見災荒總

賑粥謠

阮葵生

殘月照蘆柵。餓夫披衣起。持盃詣官倉。十街走迤邐。晨出暮告歸。竟日廢生理。可憐一勺漿。泥沙雜糠粃。上療父與母。下逮妻與子。今朝去不返。舉室倉皇俟。俄聞隣家哭。爭訴隣翁死。衆足踐如鸞。肉血飽螻蟻。又聞寡婦兒。腦裂緣鞭箠。長官戒擁擠。杖下多新鬼。嗟乎誰司牧。坐擁天庾米。空文報上官。金錢化流水。戶口夢無稽。斗石濫誰紀。朝廷重民命。賑卹下。明旨撫字成。何心因之以爲市。是心清夜捫。忍此溝中髓。登城望北邙。荒

噴若暮累白楊風蕭蕭路絕烏鳶喜

糴米吟

方杓

亢旱經三時嘆歎遍大塊高原圻龜文下隰艱灌漑晝
夜響桔槔喧呼雜詬誅富室雖減租得半價增倍倉庾
矧素豐旱澇詎能害歲儉益居奇蓋藏抵珠貝以致糴
米人有貨亦狼狽易粟且不得違言及稱貸坐視桑梓
民半作道旁丐嗷嗷側目者長飢焉能耐我亦糴米食
激昂生慷慨安得千畝田豐凶長有賴二誦幸自給波
及身以外先贖戚屬需次救鄉隣瘵有求靡不應誓除
鄙俗態明知此願賒放言聊一快

國朝詩鐸

卷十六

賑飢平糶

三

賑厥行

淮南輸粟賑飢秦州兩厥日
給十萬餘人余奉檄來作此湯禮祥

東方未明門大開饑民如潮入厥來婦人在右男在左
左右有門門有鎖商人約束居上頭人滿門啟給以籌
持籌易粟出門去淒淒切切篷中住篷中住愁雨雪林
暗風悲泣幽咽况聞冰凍饑民船船中不少凍死骨安
得一冬無苦寒饑民勿悲行路難

勸糶

楊殿梓

人時有貧乏歲不皆豐穰今年雨澤愆穀貴民轉傷昨
經平市值生計籌久長而何告諭出靳茲升斗糧嗷嗷
衆赤子典質罄衣裝攜錢覓朝炊四顧空皇皇樹皮與

草根豈充饑餒腸側隱苟同具見此泣道旁勸爾爲富者回心從善良乘時急糶賣勿謀價高昂古者黃承事積穀待饑荒糶時不增價其後遂蕃昌抑聞連處士平糶濟一鄉二子防科第表述宜歐陽利人實自利專利怨無方人饑已獨飽多藏必厚亡行事判涸薄居家餘慶殃况嚴閉糶禁憲典尤彰彰

彭淑沔陽道中篇見前勸災門

開河謠

吳蔚光

急開河急開河開河不第可防旱救活飢民三十萬飢民爭聚河上頭操畚持搗攜鋤斨厚水三日事已畢挑國朝詩鐸

卷十六

賑飢平糶

三

泥一月工始訖三日二百四十錢一月將近錢三千三千錢換六斗米得緩飢民兩月死東鄉貴涇塘竟開差牌官票日夜催計工七千五百丈肩摩踵接歡如雷西鄉六河開尙未三支三幹大闕費費闕只須富戶充盡推田荒錢米空富戶一升粟可作飢民穀兩斛富戶一兩銀可作飢民金半斤青黃不接沒生路飢民仍舊喫富戶急開河急開河君不見捐金發賑無奈何一賑兩賑都已過西鄉飢民四十九圖多大口一賑得錢一百三十幾小口一賑纔到七十耳

糶官米

王夢篆

官府開倉糶官米吏胥倉皇市估喜貧民日糶米五升
販夫夜載如流水官價平市米藏官米盡估價昂官倉
米少糶三日大戶私倉齊遏糶侵晨匍匐向市門亭午
依然垂橐入赤腳頰肩日力窮斷齋作羹無粒食

行賑湖州示官士

阮元

天下有好官絕無好胥吏政入胥吏手必作害民事士
與民同心多有愛民意分以賑民事庶不謀其利吳興
水災後餽粥良不易日聚數萬人煮糜以爲食士之任
事者致力不忍避與官共手足民乃受所賜

緯代賑

嘉慶癸
四六月

又

國朝詩錄

卷十六

賑飢平糶

詩

鴻雁年年飛所謀在江湖閒民無聊賴慣作牽船夫粟
米四百萬轉運達帝都南漕五千船船與廿夫俱牽
夫十萬輩歲歲相挽輪南牽來瓜州北牽過長蘆負緯
面撲地蹴踏聲齊呼前船呼邪許後船唱喁喁當暑無
笠蓋逢寒無袴襦陰雨沐毛髮烈日炙肌膚岸宿犯霜
露川涉陷泥塗或爲頽白叟或爲鬢鬢鬚兵吏促行程
執朴相逐驅戀船如戀家孰肯爲逃逋問伊何所樂問
伊何所圖一飯何所樂一身何所圖所累惟此口藉船
相爲餬有時力衰盡溝壑在路隅年豐尙謀食歲荒食
更無今年春夏旱山東二麥枯農民無收穫握粟如珍

珠俯首掘草根煮及薺與茶仰首剝樹皮屑及柳與榆
魯宋數萬民貿易來川途川途亦無麥守死能須臾饑
民爾勿死爲我牽舳艫一船加廿人數萬抵飛芻加夫
不得力不慣相曳婁不慣鳴欸乃不慣合步趨雖不合
步趨聊使相挽扶才牽牖河船便得飯數盂何嘗說相
賑與賑實無殊方今太平世爾曹壯而愚得食卽帝
恩無食良可虞自古食爲天一飯眞區區

粥廠

陳文述

災區集饑民縣官設粥廠城闌路康莊寺觀地平敞增
寵師虞詡運米資韓滉疲癯紛扶藜孀嫗遠負襁伶俜
國朝詩鐸

卷十六

賑飢平糶

三

走鳩鵲躑躅聚夔夔各各攜筐筥紛紛挾盆盎植木固
壁壘剖竹台筵簞魚貫集晨熹靡至趁味爽道躑延賴
哺溝瘠瘳待養惟聞當事憤頗任胥役罔鍛石充楚糜
屑榆冒葛饑滯腹劇肝胃澀口扼咽吭定致釀疫癘行
見斃塵塊實政頗有人良法近可仿秣陵吏治賢京口
士氣慷慨在均貧富事先周里黨戶籍旣羅胸姓氏咸
指掌平糶貸釜鍾散錢俵緡緼旣可避寒凍兼亦息勞
攘姑蘇矧蕃庶媪釐夙豐穰如何謀不臧致令民無仰
纖喬始巨室謬誤由官長夏統拘嘯蠹杜陵拾椽椽凶
札天所昇安危人是仗煌煌名公卿歷歷豪僧駟祇解

較銷鉢違復念草莽警耳雁鳴哀關心鼠憂痒翦燭擁
寒爐一盂慚獨享

胡敬林中丞新政詩見善政門

賑丐行

劉嗣綰

寺門千人堵牆立鵠面鳩形相對泣一人出門給百錢
丐之歡聲行動天丐兮免流亡丐兮覓棲止叩頭謝官
敢言恥丐之妻孥父母子扶老攜幼歸故墟願丐常作
良民居他年丐亦施錢者感泣還聞徧四野

冬春行

黃安濤

臘中春米填倉箱出囤粒粒如金黃幾家有米望貴售
國朝詩鐸 卷十六 賑飢平糶

三

客船載去錢充囊春來市頭無客船冬米一石錢二千
欲糶慮賤賣不糶愁無錢欲糶不糶心煩煎勸君勿煩
煎且試聽我歌一囤米供千飯籬糶者錢患少糶者愁
不飽與其千家愁何如一夫惱君不見道光三年遭水
荒秋收苦無穀登場捐米那有升斗藏是時平糶誰爲
倡今茲指困有餘糧不須剋肉更補瘡以彼累此孰短
長况乃物價低昂本無定請君心握酬機稱釋德清詩
酬機但用
無心
稱

賑饑謠

劉珊

商賑飢縣官肥官米糶胥吏飽男婦迤邐各襁負侵晨

擁擠直至酉垂死始得粥一簞踏斃老稚十二三吁嗟
飢民猶菜色縣官乃報時雨得

官賑謠

徐謙

女號母夫號婦強率弱稚隨耆瞽循牆跛昂首或提囊
或執甌打鼓升堂官點牌皂隸怒呼聲如豺行遲鞭見
血官倉飛塵竄走百里領升米腹餒而行遲念父母兄
弟少婦抱兒來南鄉酷日血汗揮如漿嬰兒死懷中拋
棄歧路旁路旁兒死不足惜喧傳官倉閉明日

打粥婦

貧民領粥俗謂之打粥有少婦懷垂死兒打粥悲之作此 祁寯藻

長椿寺前打粥婦兒生六月孀十九官家施粥但計口

國朝詩錄

卷十六

賑飢平糶

三

有口不論年長幼兒食孀乳孀食粥一日兩孟免枵腹
朝風餐夕露宿兒在雙兒亡獨兒病斷乳孀淚續兒且
勿死爲孀今日趁一粥掩懷拭淚不敢哭

開倉謠

陳裴之

通衢告示文煌煌七月廿八開官倉開官倉糶積穀出
有餘補不足每升廿七人三升無侵無冒無虛登左倉
持籌右斛米人影蹴踏聲喧騰暮遇老翁道旁哭家住
橫塘都十六妻病經年臥牀蓐兩日朝炊斷醴粥敝襦
質錢苦不足求向官倉糶官粟忍飢半夜行入城左廠
右廠門早扁官因穀少難濟衆欲拒來者愁無名四更

開倉五更開我來已及東方明飢腸雷鳴不能住行履
龍鍾不能去悔不挈妻同入城我死今朝還一處里胥
語翁且莫哀指日新穀揚州來

平糶行

孫燮

平糶不予市僧權計口大小但給錢大口十日給錢百
糶米祇救兩日活小口五十更可憐枵腹應將草根掘
侵晨古廟何纍纍鳩形鵠面行相隨官頽竹籤當符節
唱名對簿關防施或作晉鄙兵符竊李代桃僵難究詰
或如告身易一醉妻兒無糧但聚泣東風吹雨行路溼
易米歸來煮糜食中田又見菜麥壞盼到秋成那可得
國朝詩錄 卷十六 賑飢平糶 五
吁嗟乎豐年錢多盛賽會凶年錢賴富民貸富民錢盡
賑不長茫茫來日憂方大

官米謠

王嘉福

昨日糶官米市估吞聲吏胥喜今朝官米糶饑民垂淚
吏胥笑長官中坐吏兩邊東門驗票西收錢一升米入
饑民手冊上開除報一斗何來鄉愚慘顏色卻道糠稅
不堪食吏怒告官官咎民吏言官聽稱官仁日午官歸
吏分粟運取公然論釜斛年豐那得身家肥但願來年
再賑饑

粥廠謠

又

賑饑民官煮粥半杓石灰一杓粥熬作泥漿果人腹北風森寒肌起粟胥吏重裘飽酒肉長官排衙開冊讀兩邊唱籌以次續弱者趨趨遭詈辱強者提筐往而復路旁老翁形瑟縮鼻觀聞香遙注目飢餓中燒直前掬官怒擒前命鞭扑老翁仆地吞聲哭昨朝里正點村屋老翁無錢名不錄今晨橫被官刑酷忍飢歸醫杖瘡毒嗚呼此是賑饑民官煮粥

官賑謠

姚鎮

饑民半死賑始聞縣官運米縣吏分饑民如彘吏如虎
菟欲飽食虎大怒紅旂驅入圈牢中分米點籌何恩惠
國朝詩鐸 卷十六 賑飢平糶 三

吾君半石穀吾民一簞粥饑民腹未飽縣吏食不了至
尊九重那得知活我百姓良有司有司不救填壑死壑
中亦有宦家子

永康謠

吾郡張蒔塘先生吉安宰浙中歿祀名宦祠在永康正災事尤美作永康謠浙中偏災向不議賑自先

生令永康始正之

朱綬

儒有致用實莫如善爲令腰組徑寸銅乃繫萬人命賑
災格成例民死令所甯救民生死地令敢上官諍此令
疆項哉上官悚生敬一邑便宜事一省布爲政偏災有
時有缺賑苦億姓令祇盡厥心豈自謂予聖民今尸祝
之激感亦恆性令昔播文教誦言法孔孟令昔整風俗

除惡殛梟獍令移大縣去桑麻四郊盛令歸田野間頌
禱無疾病愛留奉祠朱功偉鑿渠鄭我歌永康謠采之
在輿評

平糶

吳世涵

往年秋既穫米賤農不傷今年秋既穫米價益以昂農
田既無得穀貴殊非常鄉民請平糶百十登公堂縣官
從其請方謂此法良詎知四鄰邑今歲盡凶荒處處米
騰貴平價策非長富民既不樂閉糶匿餼糧用威強出
之又以利奸商糶賤入私囊販貴向他方不及數月間
家家空倉箱噫嘻糶盡後饑黎復何望獨荒糶可平衆
國朝詩鑑

卷十六

賑飢平糶

旱

荒不同量寄語賢牧令平糶且勿忙

公米

又

昔人制井邑安民有深意比閭使保調族黨相拯濟善
哉公米糶猶能敦古誼鄰里遭凶年市米日踴貴村村
自爲保減價以相畀計口日給之升合逮孩穉倉箱苟
不足遠糶以爲繼富者旣以安貧者得所賴救荒有常
平良法安敢議開倉必上請官吏多顧忌社倉聽之民
收放似無害良莠不能齊亦復滋流弊唯此自調恤厚
意可徧逮所慮窮僻鄉居人盡貧匱不然通有無安得
餓李輩此事良可風守之庶勿墜

官粥謠

謝元淮

東舍絜男西攜女齊頌官粥向官府日高十丈官未來
粥香撲鼻腸鳴苦忽聞籠街呵殿高萬日睽睽萬口囂
一吏執旗廠前招男東女西分其曹授以粥籤揮之去
去向官棚施粥處投籤受粥行勿遲遲遲便遭官長怒
虬髯老吏攔前門手秉長杓色如暝大口一杓小口半
須知點滴皆官恩阿孃呼女兒呼耶官廠已收催還家
片蓆爲廬蔽霜雪嚴寒只有風難遮道逢老叟吞聲哭
窮老病足行不速口不能言惟指腹三日未得食官粥

書賈雲階荒賑謠後

王慶勳

國朝詩錄

卷十六

賑飢平糶

四

救荒無善策古人曾議此堯水與湯旱不聞民飢死所
貴籌平時備豫有可恃自漢常平廢貽患久不止金華
社倉記弊亦陳朱子今但存其名畫餅徒滿紙一遇災
荒來袖手惟相視周官保富條立意有深旨元氣藏於
民卽以衛鄉里無已議捐輸於理未應訾所慮立法疏
弊卽從此起立法意云何其權不在官卽以各戶捐使
博鄉里歡都鄙劃然判量力拯飢寒更恐倉廩匱掣肘
多所難計口散青蚨俛自謀一餐不濫亦不擾或可紓
凋殘

蠲免

蠲租行用元次山春陵行韻

龔鼎孳

皇帝將改元制書詔所司方春重民事王政務急施水
旱兼盜賊人氣誠傷悲萬方惟正供悉索亦已疲新餉
五百萬剗肉療飢贏國計在本根毛附先存皮民困必
失所拯溺焉能遲丞相下郡國一切蠲除之先是加賦
意豈不哀窮黎水衡算金錢橋陵方告期滇閩各用兵
軍行糧輒隨朝廷尙恭儉大事須藉資痼瘵上帝心四
海甯盡知况復州邑吏鞭撻到子遺御史大夫言陛下
眞聖慈元元樂寬大生息理可爲民貧不獨富斯義古
所持流離與死亡號呼欲向誰固知非得已久大難權

國朝詩錄

卷十六

蠲免

聖

宜我 皇本堯舜天聽頃刻移諫行膏澤下千載明良

時煌煌社稷寄輔導良不虧君仁則臣直拜手陳古辭

海圻謠爲王明府賦

縣境瀕海民田圻於海濤者
久而猶科其糧王明府憐下

車問民所苦覈得其實請之中丞
具題脫其籍邑人爭爲謠以美之張雲章

嚶邑斥鹵瀕海水具區東注一何駛馮夷鼓浪海若騎

墮沙落岸何時已室廬爲滫田疇洿淪入蛟宮百丈底

征輸有籍履畝無誅求到骨多轉徙賢侯鳧舄來翩翩

痼瘵視爾眞如子天門蕩蕩呼籲通蠲除仁惠浹肌髓

當今吏治有如公譬搆大厦須文梓廊廟需材更達聰

忍使大賢淹百里

紀事

胡旭

田賦江南最輸將次第寬

上論各省以次蠲賦
歲已卯輪值浙之杭湖人心

游浩蕩天意憫艱難淪浹

皇仁徧辛勤歲事殫降

康良不易宵旰詎能安

國朝詩鐸卷十六終

國朝詩鐸

卷十六 蠲免

聖



國朝詩鐸卷十七

錢唐張應昌仲甫編輯

流民

遇災遇兵者逃租者所詠各篇其詠僞以逃荒為業者附錄於後

戈陸明逃亡屋篇見災荒總

投河歎

甲午春流民南走如蟻有夫婦至溇沱河欲渡舟子索值無以應遂率子女赴河死

魏裔介

望望棄故里，覽覽度層阿。積雪愁未盡，寒雨漫長坡。豈不念鄉閭，命也嬰禍羅。行期計匝月，遙望見溇沱。溇沱何澎湃，春風增白波。對此心怵惕，四顧空延俄。飢夫前致詞，亦欲度此河。離鄉日已遠，無食一身多。况今襁褓

國朝詩鐸

卷十七

流民

一

婦黃口一肩馱，但獲渡濟去。冥報豈有他，舟子瞠目視。笑為船上歌，飢夫語飢婦。我當葬蛟鼉，爾挾懷中雛。丐食行逶迤，飢婦更無語。長號赴奔渦，飢夫投其雛。捐命同飛蛾，是時天地黯。慘色起嗟哦，飢民岸林立。哽咽共跌蹉，哀哉今之人，而不如鴛鴦。

彭孫適貧婦歎見科派門

嚴允肇哀淮人見賑飢門

河邊行

梁社

河邊日暮野風起，搖漾愁生寒。波裏河上行人哭，道旁淚灑河干成。河水去時出門嗟，無家今年還鄉苦。無倚。

無家甯作異地魂。無倚此身長已矣。身經太平不識兵。
獼猴跳梁禍之始。比年爭戰日相尋。村落邱墟廬舍圯。
延及東南被賊圍。阿男生罹阿女死。朝不見生悲斷腸。
夜還夢死痛入髓。懷中白璧掌上珠。可憐骨肉填溝壘。
重來河上問河西。烟水蕭涼夕影低。深巷狐狸學鬼語。
古牆鼯鼠避人啼。春風野馬生陰室。井臼苔寒鳴蟋蟀。
羨爾微蟲不識愁。潛藏寂處無相失。離亂頻仍可奈何。
江山極目擾干戈。滔滔河水流無盡。不及行人涕淚多。

哀流民

申頌

朔風吹枯蓬。數里聞號呼。行行見流民。狼狽紛路衢。面

國朝詩鐸

卷十七

流民

二

上多塵土。身上無完襦。逢人跪告訴。欲語淚連珠。豈不
懷鄉土。恐懼急征輸。頻年遭旱魃。原野盡焦枯。卽欲鬻
男女。無人能養奴。盜賊食生人。官司答瘦膚。性命無由
保。何暇念田廬。棄絕祖父墳。扶持兼妻孥。所過州與縣。
貧苦畧無殊。年荒禁令嚴。不許入城郭。白日食草根。黑
夜臥榛蕪。老稚不耐苦。沿途死溝渠。到此十餘一。充腸
半粟無。自然死不免。或可緩斯須。言久氣力絕。伏地但
啜歔。令我摧肺肝。欲去更躊躇。所愧書生囊。能得幾青
蚨。人各給數文。聊爲一食需。食已還復饑。更將之何都。
樂土知無地。流離徒崎嶇。不見吾鄉民。亦多遠逃遁。

聖人握至治備荒足倉儲賑濟行天仁
詔下萬彙蘇
請爲歌
帝德相勸返鄉閭

陳恭尹乞食翁篇見稅斂門

流民行

劉儀恕

風颼颼雨潺潺流民如蟻牽破船船中何所有瓦盆蓑
笠與敗氈問民何所資道旁野菜路人錢耶孃妻子同
哀叫哀聲迸淚如流泉淚流欲訴先痛心苦道年前遭
水沈二州五縣同時沒千里霜寒絕杵砧至今水去已
無家盡室漂流逐白沙况是軍興役賦急都長里正窮
紛拏破船何處堪停泊已拚飢餓填溝壑嗚呼縱使饑
國朝詩鐸
卷十七
流民
三
餓填溝壑不敢歸農受吏索

流民行

吳世杰

纍纍陌上子飢驅無甯晷驚聞鄉語一相訊云住甓湖
湖畔東阿里殷勤語流民慎勿他鄉徙他鄉雖云樂不
如還鄉力耕作飛鳥思故林遊魚思故淵况有他鄉疫
癘相烹煎流民流民歸來許會有慈母來哺汝

算船謠

朱樟

湘南逃租戶汎宅齊入川柁樓坐男女樵爨來江邊衣
食問諸水雞犬各在船競言蜀土滿陸海行可填團結
立保社親串連陌阡趾舉若雷動螳聚如附羶州縣苦

憧擾訟牒多裘延風俗輕去鄉棄若敝屣焉長吏下飛
檄木榜令甲刊圖版限脣齒盤詰同陰奸紅篆驗官符
不許舩艫牽旅食遂無所號呼皆喪天一停夔州口勿
計日月年聯舟貼危岸晨朝絕炊煙苦菜口不如好女
裙無完骨月誓相捨賣兒勿論錢遂成中道廢忍痛甘
棄捐我見心惻惻落淚逆流泉 聖朝重戶口乃以尺
籍編譬如十二野卯酉判度曙血脈不聯絡手足成拘
攣何仇復何親視若吳越然下情末由達上德何以宣
烝黎爾無罪樂土誰與遷碩鼠食我苗封豕侵我田但
使廬井存何至離邱園疾呼震聾瞽代彼流民言秋江

國朝詩鐸

卷十七

流民

四

多怒濤無恙捍索懸掬水照鳥面客死誰哀憐

劉青藜乞兒行見催科門

賑粥行

陳章

飢寒交迫流民苦此身不計還鄉土懷中兒死隨地理
哭向青天淚如雨夫喚妻前無氣力子負母行三步息
聞道揚州粥廠開匍匐就食聊爾來官清商義得一飽
幸可百日支殘骸殘骸暑支愁轉多田廬猶是在洪波
勸爾不須回首望人家多少餵龍鼉

葑門渡

丙子春至吳會由葑門泛閶門見待賑飢
民沿城舟不絕人面如鬼愁聲沈雨穢氣

蒸煙悽
然有感

朱炎

葑門渡老弱啼飢滿河路老翁有子不得哺弱兒有母
出無袴一家離散慘誰訴官粥三升度朝暮去年那復
計今年今年難種去年田遠來就食苟緩死亦知緩死
須臾耳得生還仗官吏賢今日敢信命在天蕭蕭月落
照愁苦縣官夔夔打衙鼓

湯禮祥飢民船篇見災荒總

張雲璈淮上流民歎見河防門

逃荒民

范來宗

朝出平江路路逢逃荒民云自淮揚來河伯降虐頻老
少結爲隊男婦雜作羣或集日中市或叩富兒門應之
國朝詩錄 卷十七 流民 五
肆貪索卻之動怒嗔其初窮無告其繼凶莫馴似有導
引者當前駭見聞居人畏如虎掩關日未曛孰無矜惻
意變作防禦殷憲府大張示賑卹蒙 皇仁爲爾具舟
楫傳送歸榆枌榆枌在何所微茫辨荒村雖無生還樂
猶勝客死魂

逃荒行

陳聲和

老翁負擔力不勝老婦攜女頭鬢髻擔頭何所有一釜
生塵一瓦缶一兒牙牙尚黃口坐以敗絮一尺厚其女
十數齡與娘更換提籃行顏色各憔悴含淚不下先吞
聲問翁胡爲至於此云在高郵住鄉里頻歲災荒米減

收種食芋魁，賴不死。今年田沒屋，漂流不幸有身累。妻
子朝來求乞，向前村百結鴉衣體。不溫朔風淒淒白日
暮，可憐投宿還無門。縱有人家許留住，四口晚糧出何
處。婦女傷心止勿言，聽者躊躇不能去。此時行路盡生
憐，有客來投數十錢。道旁勸借茅檐宿，明日流離又惘
然。

流丐行

劉汝器

流丐來何方，攔街奪市爭。披猖縣吏聞之赫，然怒亟檄
武弁，整行伍。整行伍具火兵，流丐瑟縮不敢迎。相與揮
擲釜甌聲錚錚，流丐深走藏。縣吏翻驚惶，流丐身無甲

國朝詩錄

卷十七 流民

六

裳囊無餼糧，饑餓弗能忍。昧死來殊方，請吏勿驚惶。驚
惶當上訴，馳告上司兮。給斗餉，流丐雖愚頑兮歸故土。

流民歎

沂州道
中作

楊倫

長途倦行役，日日馳輪蹄。但見羈衣人，夾路向我啼。冷
風入鼻觀，哀叫聲酸嘶。一飯苦難得，面貌病黑黧。去年
決淮東，今年決濟西。田廬半蕩析，極目皆災黎。問之咽
不言，語及更慘悽。寡妻並稚子，不得相提攜。漂泊止一
身，溝壑愁顛擠。近聞明詔下，發帑修金隄。賑卹務實
惠，守令不敢稽。佇見水患退，春田得鋤犁。流亡盡復業，
鴻雁期安棲。

流民歎

尤興詩

流民來勢喧，逐十室九閉。門弗開，東索物，西索財，一口
豈百口。哈一臂奮百臂，推其情，洵湧鋒，莫摧嗟。爾流民
良可哀，性命苦被鬼，伯催四方行，乞例不禁胡爲乎如
丐如盜，令我心驚猜。胡爲乎歡娛，醉飽背馱橐，載纜肯
回束。涇園憂急召，變養癰亦恐終。成災用仁以煦，用義
裁讀書長懷撫馭才。

顧敏恆江北飢民詩見災荒總

推車謠

李鑾宣

隻輪車雙足，趺夫爲推婦爲挽。老嫗稚子坐兩頭，黃土
國朝詩錄 卷十七 流民 七
滿身淚滿眼，問從何處來。曰從山東來，問從何處去。乞
食遠方去，車上何所有。破氈裹敝帚，車中何所施。草根
兼樹皮，欲行不行行。蹣跚累日並，無粒米餐。長跼乞憐
求施一錢，一錢不救君。饑寒隻輪車，車轉轂老嫗嗚嗚
抱兒哭。賣汝難拋一塊肉，不如老嫗經溝瀆。

逃荒行

陶譽相

秋風獵獵天將霜，長途隊隊懷餓糧。淮徐大水鳳穎旱
千人萬人爭逃荒，逃荒卻欲往何處。聞道江南多富庶
鑊門擔釜辭親隣，全家都上黃泥路。黃泥深淺沒髀寒
十步九步行蹣跚，少婦負兒肩背折。老親含涕心肝酸。

無錢旅店不肯歇。且向山凹宿明月。背風敲火支破鍋。
汲水和泥炊落葉。夜深恐惹虎豹猜。幾次兒啼驚夢回。
涼颼刺骨屢伸縮。妻呻母嗽良可哀。天明早起滿身露。
道遇行人過前渡。報說江南逃荒多。斗米換兒人不顧。
聞言半晌淚欲吞。前途如此愁難存。進固維艱退不易。
全家環泣天黃昏。天黃昏更斷魂。強顏乞食投豪門。豪
門簫管多車馬。一曲纏頭珠盈把。

流民歎

張學仁

黃水淤泥深湖水。決隄怒隄危剩三版相顧。驚失措官
書火急保揚州。挑泥塞斷城邊路。五壩倉皇一夜開橫

國朝詩錄

卷十七 流民

八

流決向下河去。下河居民十萬家。夢中風雨聲奔注。田
廬畜牧盡漂流。攜家齊上揚州。訴揚州城門晝不開。僱
船催向鎮江來。鎮江頻年饑米貴。人艱食突聞流民來。
閉戶皆不出。填街塞巷聞號呼。奔走二日至五日。大戶
輸千錢。中戶輸五百。小戶無餘糧。亦輸二三十。秋風蕭
瑟。天氣涼。掩肝苦。無單衣裳。夜深餓倒古廟裏。急炊糠
覈充飢腸。縣官清貧坐無策。張蓋出視心皇皇。沿街那
敢禁人臥。但勸明日趨丹陽。吁嗟乎揚州土壤稱膏腴。
鹽筴富甲東南隅。豪門一日酒肉費。可救萬姓瘡痍蘇。
盍不爲粥拯餓者。莫使監門繪作圖。

流民謠

東平東阿道中

吳慈鶴

山行盡日何所見。婦歎兒啼淚洗面。小車鴉軋千百轉。
乞食焉能守鄉縣。車上何有一束藁。破缶長罌亦家寶。
腹中久無麥與菽。何怪形容盡枯槁。行千百里將安從。
壯者但恃能爲傭。爲傭妻子亦奴隸。受人唾罵不敢恥。
祇愁老稚無筋力。輾轉溝中仍已矣。問子來何自。答云
東郡東吾鄉。去秋苦無雨。今春白日頻黑風。十家種麥
只五家。一寸二寸如亂麻。偶然得雨種禾黍。幾日又已
埋風沙。前村賣屋拆屋盡。後村賣驢不留牠。質庫閉門
富閉糴。性命窮黎等蒿蕝。甘心遠去求樂土。雞亦無家
國朝詩錄 卷十七 流民 九

犬無主。縣官雖已免催科。流民無食將奈何。

流民歎

馮詢

呀啞嘲哳雜笑談。赤髮嫗婦鰲面男。少壯肩頰走負擔。
不能走者擔以籃。忍寒寂似銜蘆雁。救餒喧於食葉蠶。
嗟爾流民胡至此。云是漢江遭大水。走遍天涯非得已。
填城溢郭入村里。我見流民倍悽惻。十年忽感飄流跡。
記從樊城下漢口。一日水長一百尺。蒼黃入夜變漆黑。
明月亦沈星斗溼。隱隱孤屋欲投船。譚道危樓泊不得。
移船縛纜挂樹頭。破曉開船樓已失。吁嗟此景如昨日。

鴉村記所見

蕭掄

北風吹颯颯飛蓬驚淒淒寒蟲號肅肅哀鴻征此
聲從何來令我心怛怛須臾人塞途鵠面而鳩形一雙
前致詞欲語聲仍吞自言住淮南家有田可耕今年河
水決濁浪高於城千邨盡漂沒白骨何縱橫存者半流
亡我亦相隨行邨中三百口雪虐風饕并稚男與碎女
病者尤伶仃死者既已死生者何由生乞食非得已強
顏難爲情我聞淮徐災澤洞信可驚 帝心念飢渴
恩詔頒分明出金百餘萬大吏是責成守令親民官檢
覈周鄉亭惟恐一民飢撫字俾咸甯胡此尙嗷嗷海畔
悲飄零誰繪鄭俠圖持以獻 彤廷

國朝詩鐸

卷十七

流民

十

流民歎

姚鎮

少婦走千里有家不能歸負兒復扶媪涕泣沾麻衣駐
馬問少婦少婦增噓唏前年淮大水夫死身無依姑也
年入十形影難相離薄田傷秋旱無以供甘肥遠行可
乞食甯憚筋力疲妾亦良家女何以遠行爲妾死姑亦
死妾生姑不饑忍辱非苟活此意無人知

乞兒行

許乃穀

風如虎車如雷黃昏獨自山中回哭聲隱隱來山麓迴
腸似與車輪逐點燈呼問何所哀道是百里飢驅來來
時五口駉驢相負旬日之間僅存老母母兮道旁臥欲

僵。提籃入市求壺漿。歸來視母母不起。求食不得母先死。

流民歎

楊鑄

黃河倒灌淮河流。下河千里無平疇。子負母兮父曳女。呼號震動青天愁。回頭顧同伴。飄蕩如輕鷗。登高望鄉里。水壓隣家樓。瘦犢肥豚水中走。屋上炊煙裊柳懷。藏麥餅聊忍飢。父分女兮子分母。晝夜無他求。惟恐水相逐。耕田不識路。枵腹仰天哭。道旁借問何處行人。但指揚州城。揚州富鹽菜。酒肉朱門盈。邗溝一夕萬人聚。大吏議賑多經營。沿河捉船戶。再點巡河兵。給錢逐國朝詩錄

卷十七

流民

十一

一列名冊迫之使進。江南程昔聞。江南好。大江茫茫風色早。江南頃刻居人擾。視汝流亡似秋草。縣官捐俸施困窮。給錢差與揚州同。曉發丹陽暮無錫。辭關不許流民通。吞聲回向江頭泣。天災爾民亦何極。十人逃難幾人存。家園猶報洪濤溢。

鴻雁篇

褚逢椿

哀鴻雁飛連翩。十五五大道邊。敝車軋軋聲相連。大兒啼饑奔向前。小兒尙抱懷中眠。老婦臥車上。垂白身拘攣。老翁向人道災旱。逢今年大麥不死數寸耳。甚者赤地皆荒田。市中一升粟。二百青銅錢。今日賣犢明日

賣屋賣牛賣屋不得數日飽不如他鄉樂土樂吁嗟乎
他鄉雖云樂道路死亡相繼續女作人婢男作奴爲婢
爲奴不得贖鴻雁哀鳴何處宿

悲流民 四首

朱 綬

一幫十數船一船十餘人面目鰲且瘡百結衣懸鶉有
翁背痠瘦坐起轉側頻有婦髮不櫛乳兒自吟呻問渠
何方來云是淮南民淮南患湖漲廬舍波渾渾浮屍蔽
江下我屬幸苟存苟存亦須臾東西安所奔同船相託
命謂如骨肉親昨有抱病者呼號慘難聞病亦未卽死
委棄荒江濱豈不共悲歎急難先顧身官府大仁慈送
國朝詩錄

卷十七 流民

三

我資我緡去去定何適皇皇益煩寃生當永漂泊死爲
異鄉魂

少年稍白晷哭聲一何酸言有母與妻家足供醢餽夜
中水大至全家陷崩湍倉黃不能救獨竄危樹端隣翁
拏舟及此身尚人間死者失骸骨思之摧肺肝一叟起
長慟家亦淪于淵祇有最幼子攜上逃荒船船中大風
雨三日飢腸煎聚則兩死餓賣之冀稍延晨到京口驛
插標官路邊莫遇山西賈得價千銅錢去當爲人奴卽
受笞與鞭我身不自保我後安能憐

蘇州有閭門閭門在天上富兒列屋居不識寒餓狀登

門告哀苦弗應耳塞續亦知人數多未敢肆筵榜八月
聖壽節綵棚排畫仗初七至十五歌吹盜衢巷曷不輟
此費義賑資以放 皇仁軫飢溺益體 恩浩蕩我願
鄉耆紳勸諭言闔亮勿偷目前安而謂姑無妨彼亦平
世民所遭可矜諒旦夕得幸全造福卽無量

朝來十數船暮來十數船船集河澗朝暮聲喧喧支
竈扳岸石或拔牆上輒刈薪及墳樹松柏多摧殘有時
結成隊手擊壺與篳入市強求索非理橫相干人多勢
易張彈壓事實難矧今流民中桀黠非一端而此桀黠
徒茲日皆飢寒旣爲飢寒迫等作哀鴻看吾郡號殷賑
國朝詩鐸 卷十七 流民 三
眼熱百貨塵官私急調卹忿戾庶一蠲毋俾捨軀命橫
決如潰川敬告司牧者患來防未然

哀流民

甯化道中
道光戊申

江 湜

寒風颯颯溪聲哀山日下地城門開居人婦子走相避
云有湖北流民來流民來街衢暗慘飛塵埃負者負拾
者拾破鍋敞席肩挑輕寒者鼻涕長垂膺餒者瘦骨高
崢嶸病者喘息喉作聲老者足蹇兒扶行前男後婦同
伶俜探懷更哺啼飢嬰中一老生行來前曰我襄漢之
今年秋霖十日江吞天三十州縣空人煙吾屬幸脫蛟
龍涎吁嗟乎田園間井村塢莊門扉厨竈几案牀種成

桑麻黍稻梁養得鵝鴨雞豬羊是皆付水非吾有獨辦
兩肩持一口萬水千山挈羣走昨者天子施恩膏疆
吏散賑招亡逃恨身不如水歸壑還望鄉國仍嗷嗷我
聞去年秋枯旱徧河雒水旱連年氣參錯烏虜安得青
山爲銅高嗟峨大錢一鑄百萬多資爾歸去毋奔波

附錄
逃荒民

陳登泰

有田胡不耕有宅胡弗居甘心棄顏面踉蹌走塵途如
何齊魯風彷彿鳳與廬其始由凶歲其漸速豐年豈不
樂故土習慣成自然高秋八月禾黍旣登場麥田亦
已種稠繆裹餼糧局我白板門輦我隻輪車約畧挈家

國朝詩鐸

卷十七

流民

五

具鑿鎗雜杈杷大婦苦藍縷小婦整衣裳中男隨母走
小兒坐車箱片席卽行窩兩輒支土銼拾薪道旁炊倚
樹煙邊臥山石穿屣履雪霜冰涕唾借問何所往樂國
卽所耽或在蒙之北或在江之南强者事力役弱者空
咨嗟咨嗟復何益沿門唱蓮花蓮花落可憐四月歸爾
田未必無溝壑居然作質遷我願天地慈歲歲降康穰
春田登來牟秋田足稻梁逋課完征輸餘積備凶荒粉
榆樂鄉社酒食羅雞豚嫁娶皆及時卒歲不出門甘爲
首邱死勿爲他鄉存又願賢大夫誥誠心力殫必挽頽
敗風無爲積重難激之以廉恥温之以陽春水旱一見

告汲汲爲拊循飢者爲之食寒者給衣禪游惰懲以法
柔懦加之恩三年或不效十年當還淳嗟爾羣蚩氓逐
逐亦何愚有田不肯耕有宅不肯居輕去其鄉里勞瘁
於旅塗心臧土物愛早上和親書

流丐

吳世涵

居民已嗷嗷流丐復四集百十成其羣布滿鄉與邑借
問從何來淞鳳與宣歙連年遭水旱少壯俱失業逃荒
遂至此冀得賑窮之其中有良家逢人掩面泣自云不
願來無奈衆迫脅流離誠可憫男女何冗雜尤多黠猾
徒獷悍不知法藉茲逃荒聚遂以逞姦俠荒野及窮村
國朝詩鐸

卷十七

流民 鬻兒女

五

往往肆行劫吾邑久被災民食百不給那堪此輩至取
求日紛沓寄語長民者厘心善撫輯速爲遣之去留我
烝民粒

鬻兒女

鬻婦附○皆詠爲飢荒追呼而鬻者其
詠民俗鬻女爲妾妓之篇附錄於後

牽兒衣

方授

牽兒衣。執兒手。賣兒天涯牛馬走。不及黃泉得見否。囑
兒悲啼勿在口。有兒可易米一斗。卽此以報汝父母。只
恐新穀未升斗。米完無兒可賣。又賣婦。

臨頓兒

臨頓吳時館名
在蘇州府城東

吳偉業

臨頓誰家兒。生小矜白皙。阿爺負官錢。棄置何倉卒。給

我適誰家朱門臨廣陌。囑儂且好住。跳弄無知識。獨怪
臨去時。摩首加憐惜。三年教歌舞。萬里離親戚。絕伎逢
侯王。寵異施恩澤。高堂紅氍毹。華燈布瑤席。授以紫檀
槽。吹以白玉笛。文錦縫我衣。珍珠裝我額。瑟瑟珊瑚枝。
曲罷恣狼藉。我本貧家子。邂逅遭拋擲。一身被驅使。兩
口無消息。縱賞千黃金。莫救餓死骨。歡樂居他鄉。骨肉
誠何益。

堇山兒

又

堇山兒兒生不識亂與離。父言急去牽兒衣。母言乞火
爲兒炊。作糜父母忽不見。但見長風白浪高。崔鬼將軍
國朝詩鐸

卷十七

齋兒女

六

下一令軍中那得聞。兒啼樓船高高沙岸多崩摧。榜
人不能移。舉手推墮。之上有蒲與荏。下有瀟與泥。十步
九倒迷。東西身無袴。襦足穿。疾藜叩頭指口。惟言飢將
船送兒去。問以鄉里記憶。還依稀。父兮母兮哭相認。聲
音雖是形骸非。傍有一老翁。羨兒獨來歸。不知我兒何
處。餵游魚。或經畧。賣遭鞭笞。垂頭涕下。何纍纍。吾欲竟
此曲。此曲哀且悲。茫茫海內風塵飛。一身不自保。生兒
欲何爲。君不見堇山兒。

田家女兒行

顏鼎受

田家女兒年十六。賣作青衣向人哭。自言數世居南邨。

紡績爲生治杼軸去歲田荒稼不登一春入口無饘粥
今年官稅急難供東西叫號驚里族隸胥門外呼一聲
雞犬倉皇上牆屋小兒聞之走牀下老人見之徒側目
向前哀告且莫嗔朝來女兒還枵腹本欲留君無一錢
脫粟不能況酒肉白頭老翁筋力衰此去何堪受鞭扑
願鬻此女爲人奴老人幸免捐溝瀆託身無過錢千貫
待價豈期珠百斛提籠采藥憶昔時短髮未許施膏沐
歎息此衣朱門深老父不知何處宿

賣子行

郭鳳階

歎息重歎息朔風吹荆棘路旁何婦人掩袂行且泣歲
國朝詩鐸

卷十七

鬻兒女

七

暮攻閩安符牒選丁男丈夫從役去身死鼓山南家貧
子尚幼戰場痛暴骸賣子鑲旗下欲往自負埋豈意命
重乖道逢追呼吏田荒賦頻加人亡徭猶在攫金盡賠
官我子空拋棄夫歿長不歸子去復萬里死別與生離
此苦誰所使黃泉易尋夫何時能見子朝聞溪水聲思
子哭幽咽暮聽蘆笳吹念子腸摧裂我本傷離人聞言
悲何已爲歌賣子行泪下如流水

隣家婢

景星杓

隣家婢衣蝨攢生玉肌膩早夜力作不敢息背面云云
墮悲涕當時饑餓聲爲吞糠粒不足齧草根人生骨肉

豈不戀官糧追呼下遠村鬻此愛子免溝壑子錢未收
吏到門剗肉救瘡親恩絕小男未贖忍再論一朝棄作
人奴賤日受鞭撻盈血痕境窮慎毋鬻子孫爲人奴婢
不忍言但觀此婢懷煩冤彼亦人子當可憐吁嗟彼亦
人子當可憐奈何豪家不肯相顧恤高堂肉食驕自尊

草標泣

倪 颯

旱澇不常畿輔饑流民乞食來京師草標插頭淚滿眼
凍餓迫人行賣兒阿兒向父言人家生兒望成立父今
棄兒又奚爲阿父向兒言兒年猶小兒不知凶荒不得
保軀命安能望爾成立時貴家大宅有衣食兒去得飽
國朝詩鐸 卷十七 鬻兒女 支

父有貲兒住同死去同活事勢至此將何之阿兒乃大
哭委擲草標當路歧同活不相見不如同死還相隨草
標泣真可悲

丁未紀事

何夢瑤

暮從竹徑歸行經深灣側村老四五人對語淚垂臆飢
婦棄兒去從朝以至夕呱呱叢薄中半日聲漸寂未知
生與死欲視不敢逼荒歲命難存十室九乏食恐當及
此兒同作溝中瘠聞言亟往觀奄奄餘一息見人急欲
就匍匐苦無力遽前抱之起如卵得覆翼畏我復捨去
牽衣不肯釋以指納其口吮啞聲唧唧爲乞薄糜至三

哺乃下噓其母居隣村物色因便得抱兒往見母僵臥
面向壁轉身持兒號已判死牀席期汝有人收豈料更
相覓終當抱兒死忍再相拋擲母哭兒更啼四隣盡悲
惻哀哉母勿悲周急敢吝嗇青蚨三百文斗米聊可易
西江尚當借先用資涓滴作詩告仁人釜庾應勿惜安
得天雨粟珠粒徧蒼赤

鬻子行

褚廷璋

百錢鬻一男千錢鬻一女十與五五道路自倚侶牽
衣或頓足大者三尺許其小尤零丁未斷懷中乳父母
謂子女鬻汝亦痛汝割肉與他人豈不創深鉅父母謂
國朝詩錄

卷十七 鬻兒女

九

子女鬻汝亦愛汝鬻爲豪家奴顧盼得所主遠鬻去閭
里浩蕩脫拘圜鬻汝以生誰不鬻以死聚苟能全性命
恨不插毛羽蕭條悲風寒野曠日不煦河橋永訣別淚
眼血如縷寡婦與鰥夫飢寒獨延佇

賣女詞

張雲璈

入歲小女兒生長在茆屋去年阿耶死有母不能育賣
女錢十千聊以繼餽粥得卻手中錢失卻心頭肉女淚
盈一把母錢盈一斛阿女淚未乾阿母錢已足

甯夏采風 賣兒謠

楊芳燦

昔聞有林回投璧負嬰孩所重骨肉恩千金何爲哉云

何蚩蚩輩自絕其根。茲不見買奴婢。都向甯郡來。幼女齒方齠。稚兒髮覆眉。父母牽就市。相望何纍纍。借問若干值。一緡三歲奇。兒啼父不念。兒去母不思。但云紇干雀。從爾好處飛。好處竟何處。此離定長離。別有市僧徒。剽販轉東西。兒身已無蒂。兒命當屬誰。憶昨設粥日。有婦老且嫠。自言身有子。典鬻無子遺。只今一身在。微命如懸絲。回頭賣兒錢。撒手風雨馳。溫飽能幾許。不死仍苦飢。余旣感斯語。已乃喻遣之。不聞啜負。暨啣將甘草。貽不聞烏母。慈仍有反哺。兒微物。心尙爾。爾當轉自嗤。徒令桓山曲。終古爲酸嘶。

國朝詩鐸

卷十七 鬻兒女

三

賣兒女行

錢世錫

楚楚小女子。夜夜隨母眠。撫養辛勤費。幾許賤賣纔得五千錢。女價賤猶好。男賤更如草。賣男持得千錢歸。糴米能得幾日飽。也知賣男鬻女錢無多。明朝錢盡仍餓當如何。天寒土室風蕭索。夫婦終難免溝壑。不如早將兒女賣他鄉。望到他鄉生處樂。揮涕不顧拋卻雛兒女。遙望啼呱呱。峩峩大扁乘風去。不知耶孃再見能得無。嗚呼杜母與召父。不望家家徧哺乳。但稍霑潤亦甘雨。免教百姓賣兒女。

賣女行

西安饑鬻女者以斤計值一李驥元斤十錢百斤者每斤減兩錢

秦女饑饉時。賤同石與瓦。一斤鬻十錢。百斤價還下。老翁怨兒肥。持權淚盈把。老婦不忍離。嬌兒呼平野。虎猛子不食。鳩慈子難捨。骨肉奚無情。歲儉衣食寡。卻窺大吏門。珠玉別真假。十金買奇花。百金買良馬。

賣子謠

李鑾宣

百錢買一兒。千錢買一女。小者五六歲。大者三尺許。十五五沿隄來。不彳亍。黃塵霾。老姆謂兒女。賣汝實痛汝。懷中一塊肉。棄作路旁土。老父謂兒女。賣汝乃愛汝。宋門酒肉臭。但去無所苦。癡兒癡女。不知離別難。從人畧賣衣。禪單衣單單。心悵悵。兒長爲奴女爲妾。竈前國朝詩錄

卷十七

鬻兒女

三

竈後背人泣。

鬻女詞

楊城書

田無禾室無脯。里胥持帖怒如虎。枯魚索肆難久存。死別何如生離苦。有女甫弱齡。病骨支伶仃。翁攜出門去。相顧涕泗零。愁雲漠漠江干起。含悲來入朱門裏。主人見之心骨傷。慷慨給錢書片紙。老翁顧兒不忍行。女挽翁裾。淚如水。朔風吹雪。雪滿衣。急納官賦。公衙歸。歸來痛女長太息。恨不身作溝中瘠。

插草吟

丙午春饑甚。有以草插婦女首鬻之者。

蔣世煥

月淒淒。風嫋嫋。大婦小姑頭插草。街南巷北行人多。呼

天但乞生離早。剜肉可醫骨斷難治。耶孃夫妻揮手別。眼中無血身存皮。君不見官府連朝讎僚屬。千金新買人如玉。

新隄婦

毛國翰

長風吹積陰。荒草蔓新隄。隄旁倚破屋。有婦掩面啼。借問何所悲。欲語神慘悽。沔陽膏腴地。自昔形勢卑。頻年水爲患。不得把鋤犁。食貧妾有夫。力耕二歲饑。家具既賣盡。天寒無蒿藜。昨欲賣兒女。言發心魂癡。懷中七歲女。忍痛離母幃。女在兒難全。安能兩相依。但得暫存活。猶勝死別離。嗟此餓李骨。何處埋沙泥。

國朝詩鐸

卷十七

需兒女

三

鶯孫謠

盛大士

淮濱老翁髮垂耳。凍癩黧黑飢欲死。傭耕兒子慣作苦。忽遭時疫竟不起。兩孫大者八九歲。幼者尚在襁褓裏。可憐逋債逐歲增。終日叩門聞厲聲。幼孫乳哺不忍棄。攜其大者來入城。兒婦牽衣攔路哭。翁亦垂垂淚盈目。論價無心較重輕。但求少貸鞭笞酷。臨行回首重提攜。餉以餅飴聊充飢。分衢南北望不極。彼此一去無消息。荒郊日夕下牛羊。淮流嗚咽斷人腸。仰視飛禽舉雙翼。安得引孫置翁旁。歸來隣舍訴悽惻。掩淚相看問價直。卻因同病更相憐。燈火黃昏少顏色。東家鬻女錢數千。

西家鬻男錢數百熒熒骨月不相保生男不如生女好
鬻女可支一月糧鬻男只供幾日飽如翁衰病面枯槁
卒歲何能免餓殍搖手噤口毋多談門外追呼又奔擾

鬻兒行

王雨春

兒掘草根母斫樹皮草寒不生樹枯無枝兒告阿母兒
在母飢鬻兒母生畜兒何爲澌澌原獸顧犢而嘶翩翩
林鳥引雛共飛椎心仰天誰不傷悲

鬻女謠

岳鴻振

富家賣米貴如珠貧家鬻女賤如土米價日增女價賤

鬻女救得幾時苦道逢債主急索錢歸來依舊空腰纏

國朝詩鐸

卷十七

鬻兒女

三

餘錢入市換升斗煮米作粥且糊口君不見城中足穀
翁銖錙較算何其工米價未足米倉閉縱遇至戚無通
融勸君賣米休論價世事循環真可怕今日蓬頭垢面
鬻女者當時積米如山辦昏嫁

娘難見

辛亥壬子間河決淮徐飢民載路時余北

求收養作媪委兒徑去兒隨諸婢飼應不敢悲

泣維時倚船窗愁苦作小語察之無他詞但曰

娘難見聞之慘

馮詢

娘難見娘在山巔兒在水面山水亦天胡爲使我娘兒

割斷

解兒在水面貴人之船娘在山巔窮無一椽窮

無一椽飢餓難並存低首語兒娘今將兒送貴人兒聰

明必得貴人憐兒飽矣娘涕淚連漣解一 貴人富足恩

及婢僕飲食衣服勝父母鞠育解二 鬢翠衣青侍側疏

疏仰視貴人貂蟬何榮貂蟬雖榮不如我父母鵠面鳩

形呼娘娘不應恐貴人嗔忍淚吞聲解四 娘難兒日倚

船窗苦千山萬水排無數中有一條隱愁霧是娘送我

來時路解五

賣兒行

陳偕燦

阿孃臥地無人色阿耶牽兒長太息兒留同作一門殍

兒賣尙支三日食出門語兒兒勿傷兒行得食兼衣裳

兒值活爾耶與孃兒聞此語心酸悲哭聲不出飢腸飢

國朝詩錄

卷十七 醫兒女

十四

臨歧戀戀牽耶衣阿耶撒手作嗔怒回頭淚雨紛傾注

歸語阿娘歡笑去明朝買米炊作羹釜中煎泣如兒聲

姚東之翁無妻篇見災荒總

買人船嘉慶丙寅紀荒詩畧之一篇。有以販人為買賣者鄉人傷之名其船曰買人船

顧仙根

荒歲市不通來有買人船船不上馬頭常泊野水邊買

女不買男口不惜多錢似賈卻非賈時亦著衣冠兩三

共為侶去來若閒閒見人不直視白日有暗顏忽然類

相逐男婦為後先出門復入門言談大有緣日月豈不

照詭譎事多端誰憐方幼子鵠面辨媼妍豈無許嫁者

亦已及笄年至愛豈能割好語爲纏絲遂忘鞠育勞甯
顧禮義愆所得分他人骨肉已不全吁嗟父母心不如
金石堅

鬻女歌

謝元淮

夫擔男婦負女乞食廣陵淚如雨垢面蓬頭衣不完逢
人哀訴饑寒苦自言家住高郵鄉去此百里珠湖傍有
田三十畝夫耕婦蠶桑雞棲豚柵穀盈倉東隣西舍歡
豐穰去年春夏雨不止二麥無收秧爛死橫流突過馬
棚灣千人萬人漂浪底奪得性命出洪濤全家丐食來
江臬誰知此邦同蕭索飢驅早向他方逃鄉村無人到
國朝詩鐸

卷十七

鬻兒女

五

城市可憐困苦存皮毛亦知凍餓難久活會須日暮埋
蓬蒿一女方六齡一兒未離乳抱中不忍死前拋賣女
求易升斗黍兒呱呱女嗶嗶蹙額呼天天蒼蒼母禁女
號捉女臂女不肯前母揮涕此女驕癡未長成捧箒堂
前能掃地回頭忽向女兒啼憶昔養汝藏深閨今日窮
途棄汝去未得梳裹親提攜汝往朱門飽喫飯毋須念
我耶孃飢女聞母語牽母衣哭聲嘈雜悲分離我聽前
言已歎息更覩此情心惻惻問婦賣女錢幾何婦云一
緡應非多儂今與錢不索女使爾骨月長相聚夫婦感
泣齊下拜受錢率女不復賣日暮西風冷砭肌歸來償

債典春衣吁嗟乎世上何人不可憐况茲饑饉遭頭連
安得有錢千萬緡盡贖天下兒女使團圓家家鼓腹遊
堯天

棄兒謠

朱綬

往年飢荒鬻兒女今年兒女鬻無所草間啼兒母不乳
生年月日書在楮旁有一翁歎息語我無兒女當育汝
桁無完衣貧無黍躑躅街頭淚如雨

賣女辭

胡光輔

貧富固有命勤惰在自爲斯言不我信請聽賣女辭賣
女誰家婦年可三十餘欲進頗羞抑未語先歛歔自言

國朝詩鐸

卷十七

鬻兒女

庚

暨陽人苧羅村畔居雖非名門匹終與下賤殊阿翁善
生計操算窮毫釐夫婿三五年翩翻誇容儀賤妾初嫁
時盈門生光輝頭上何所有雙鬢鬪葉垂腳下何所有
七寶羅袿披約腕金跳脫懸耳眞珠璣豈不嫺鍼黹所
恃嫁時衣豈不念貧窶所恃篋中貲夫婿恣游冶揮金
不自知朝從牧豬戲夜逐青樓嬉朝朝復暮暮蕩然無
子遺昔日富阡陌今不得立錫昔日饜梁肉今不得粥
糜顧茲膝下女嗷嗷啼朝飢妾命且難保女飢將誰依
欲忍須臾活賣此七歲兒吁嗟乎玉樓金戶春復春西
家乍富東家貧請看今日賣女者卽是當年買婢人

棄兒行

聞黃克異

棄兒不得賣兒金賣兒不識棄兒心賣兒母得三日飽
棄兒但望兒得生去年憐兒不忍賣今年欲賣路無人
昨夜良人死空屋阿翁今日填深谷枯樹無皮草根盡
兒啼無食母亦哭棄兒與君君勿辭但得兒生死亦足
毒哉遭此凶年苦皇天殺人不用斧吁嗟乎當年得兒
如黃金今朝棄兒如糞土

吳趨 以下附選

邵長蘅

吳人重生女不望爲門楣桃花饋女面祝女豔容儀十

二弄脂粉十三調箏絲十五髮披肩姚冶好蛾眉阿母

國朝詩鐸

卷十七 鬻兒女

七

大歡笑價直千金爲上客來何方揮金買吳娃聞有此
好女登門前致辭女出跪拜客媒嫗相扶持拂袞露纖
趾約腕呈冰肌問女好絃索整柱彈烏栖問女好臨池
衍波寫新詞問女好手談對面試圍碁客喜語阿母千
金詎爲多叶今夕定情夕跳脫壓金釵合歡紅羅帳四
角流蘇垂都梁自有香免絲自有枝今夕就郎宿明日
與母辭女兒不戀母阿母亦不啼蓬去迷故科雛成各
東西重利輕骨肉念之令人悲

崇州 樂府 連珠池 憫如臯人之鬻女爲伎也

趙懷玉

連珠池珠藏川自媚池邊女兒顏如花心性聰明肌細

膩生女未長成得錢便輕鬻謂他人作爺與孃授以琵琶教以曲琵琶學就曲亦成當筵又使工逢迎初猶靦靦語微澀後漸放誕姿橫生秋月春風幾回賞老嫁商人與廝養就中亦有花飄茵多少落英沾糞壤君不見連珠池水聲琮琤照影年年長自清女身報親不足惜獨念父母難爲情

貧女別

太原人以鬻女爲利割慈忍愛終身不得見當其生離已成死別風俗之偷可慨也

王省二

生女各有歸別離固其宜奈何成永訣一去無還期晨起畫雙蛾攬鏡涕垂頤脫卻舊時服易著新羅衣椎心血數斗慟哭聲益悲有女甘棄絕耶孃胡不慈忍將心頭肉換作釜中糜臨行拜雙親小妹牽衣啼不知是死別猶欲強相隨出門更掩泣日瘦風慘悽傷哉貧女別痛恨無已時

國朝詩鐸

卷十七 鬻兒女

元

鬻男女補

棄兒行

畢憲曾

客投村店商邱縣道路經行駭聞見入門一老攜一兒
手挽鶉衣拭兒面自言困苦迫凶年愧為人父誠可憐
將恐無食致天折但願隨身不取錢人生最苦是生離
差勝吞聲作死別一朝遠隔天之涯何異死生兩訣絕
小兒十三已解事亦知去去療寒饑貧家生小不離膝
挽父牽衣心苦悲烏虜誰非人子誰無父老牛舐犢尚
有情獨聽哀鴻淚如雨

流民補

國朝詩鐸

卷十七

鬻男女補 流民補

完

卽目書感

吳金蕙

漂零雁戶滿郊村就食蒲羸不可論歎惜畫圖無好手
西風愁殺鄭監門

任爾朱門臭梁肉一錢不捨待如何富兒飽飯門前看
但道今朝餓死多
我亦年年乞食頻羹殘炙冷最酸辛呼兒鄭重將杯箸
恐有嗟來卻饋人

